

DE HESIODIA

SCUTI HERCULIS DESCRIPTIO.

COMMENTATIO PHILOLOGICA.

SCRIPSIT

ET

SUMMORUM IN PHILOSOPHIA HONORUM
AUCTORITATE AMPLISSIMI PHILOSOPHORUM ORDINIS
IN UNIVERSITATE FRIDERICIA GUILELMIA RHENANA
RITE OBTINENDORUM GRATIA

UNA CUM SENTENTIIS CONTROVERSIS

DIE XXVIII. MENSIS IULII A. MDCCCLVIII

PUBLICE DEFENDET

HERMANNUS DEITERS

BONNENSIS.

ADVERSARIORUM PARTES SUSCIPIENT:

AUGUSTUS REIFFERSCHEID, SEMIN. REG. PHILOL. NUPER SENIOR.
EUGENIUS PETERSEN, SEMIN. PHILOL. SOD. ORD.
GUILELMUS GERMAR, SEMIN. PHILOL. SOD. ORD.

BONNAE

FORMIS CAROLI GEORGII.

MDCCCLVIII.

SCOTT'S HEROES' DESCRIPTION

OF
THE
CIVIL
WARS
IN
AMERICA

SCOTT

SUMMARY OF THE CIVIL WARS IN AMERICA
ACCORDING TO THE PUBLICATIONS OF THE
UNIVERSITY LIBRARIES IN AMERICA
WITH A HISTORY OF THE CIVIL WARS

AND A CIVIL WAR COMPENDIUM

BY JAMES MURRAY, JR., A. C. COOPER

EDITORIAL DIRECTOR

THE UNIVERSITY LIBRARIES

UNIVERSITY

ADAPTED FOR USE IN THE LIBRARIES

FOR STUDENTS AND TEACHERS, ETC., ETC., ETC., ETC., ETC., ETC., ETC.

UNIVERSITY

10000 VOLUMES

10000 VOLUMES

OTTONI IAHNIO

PIETATIS CAUSA

OTTOTTO IANNO

PETRATIS CAVAS

is & idcirco scipi te quae nunc poneas. Ceterum quod est
te multo latius etiam omnia cum puro intentio summi contemplationis
possit utrumque eorum quod est de his rebus cuiuslibet non possit
istud ex misericordia boni. Quidam vero sibi sententiam dicitur in
convenientem suam poneat. Non enim dum sicut per se
admirabilem sententiam velut in nobis interiore
sunt quae in aliis sententiis non sunt. Non enim
sunt sententiae nisi sententia. Non enim sententia nisi
est sententia. Non enim sententia nisi sententia. Non enim
sententia nisi sententia. Non enim sententia nisi sententia.

De Hesiodia scuti Herculis descriptione disputaturo mihi paucis praefandum videtur de toto hoc artis opera describendi more, qua ratione veteres poetae in eo versati sint. Quorum quidem descriptiones si accuratius inter se comparantur, duo maxime in eis quae dicam describendi genera distingui posse videntur; eorum autem discrimen ita brevissime significari ut aut rerum imagines aut ipsae res descriptae esse dicantur. Quod quibus rebus cognoscatur exemplis clarum fiet. Sic primum Moschus carminis alterius, quod Europa inscribitur, versibus 43—62 aureum Europae calathum describit tribus imaginibus ad Ionis fata pertinentibus ornatum; quarum prima Io conspiatur vaccae specie per mare fugiens, quam e litore homines contemplentur (44—49); altera rursus Io eadem forma apud Nili ripam a Iove tacta (50—54); tertia Mercurius ab eoque occisus Argus, e cuius sanguine pavo prodierit (51—61). Postremam imaginem ipse dicit in superiore parte ἐπὸ στεφάνην repraesentatam fuisse; reliquas duas totum calathum implevisse in duas areas divisum probabilis est Meinekii sententia. In ipsis autem imaginibus videmus poetam severe in eis describendis se continere quae revera conspiciantur, verbaque omnia ad unum illud temporis momentum quod repraesentatum sit dirigere. Deinde quo certius etiam imaginis cogitationem lectoris menti commendet, ipsa quibus singula enumerat verba ex artis ratione sumit, τετνυμένη ἦν v. 44, ἐτέτυκτο 47, ἥσκητο 56; materias quibus singulæ figuræ factae sint, accurate indicat, v. 44. 47. 53. 54; postremo verbis μηχομένη ἵκελη¹ diserte imaginis ab ipsa re

1) Cf. de huiusmodi formulis bene monentem schol. Apoll. Rh. I. 749. ad verba μογέντι εἰς κώς: „διὰ δὲ τοῦ εἰς κώς εκόλασε τὸν λόγον διὰ τὸ ἐν γραφῇ εἶναι οὐ γὰρ ἀληθῶς ἐπακούθει ἐν τῇ γραφῇ.“

discrimen significat. Certam autem hanc et ipsius calathi² et singularum imaginum formam, quam animo tenere manifestum est poetam, non ipsum sibi finxisse sed ab artis operibus quae vidisset sumpsisse ut credamus facile adducimur. Quod quidem eo mihi confirmari videtur quod scimus hanc fabulam uberrimam veteribus artificibus fingendi materiam praebuisse. Argi primum imperfectio- nem cum saepissime repraesentatam habeamus³, Moscheae prorsus fere convenientem gemmae vitreae imaginem publici iuris fecit Panofka⁴; unde iure colligimus extitisse etiam imagines priorum Moschearum similes. Nam in servatis quidem artis veteris monu- mentis Ionem fugientem nusquam⁵, Ionis autem in Aegyptum ad- ventum diverso modo fictum videmus in pulcherrima pictura Pompeiana⁶. Argi autem occisionem cum eo potissimum modo descri- bat quo posteriore aetate repraesentari solebat⁷, diverso illo a veterioris temporis more⁸, clarius etiam prodit ipsorum artis ope- rum se notitiam habuisse.

2) Obscuritas quaedam postremae imaginis depravatione orta est. Pa- vonis enim alis quomodo totus calathi margo circumdetur, vix nobis cogita- verimus. Versus autem 61 χρυσείου ταλάρου περίσκεπτε χεῖλα ταρσοῖς cum non cohaereret cum superioribus, Hermannus post vs. 59 lacunam no- tavit unius versus, quo ipsum pavonis vocabulum prolatum fuisset et orationis coniunctio restitueretur; deinde pro ταρσοῖς restituendum censuit πάνη propter Theocriti verba I. 55. quae imitatus esset ille. Mihi Theocritum denuo comparanti et offensionis quam supra proposui rationem habenti ve- risimilius esse visum est ante vs. 61 intercidisse versum, quo florum aliquod ornamentum commemoraverit poeta; quod quidem apte diceretur calathi mar- ginem circumdare.

3) Monum. dell' Inst. II. 59. Vinet Revue arch. III. p. 309. Gerhard archaeol. Zeitg. 1847. 2. Tab. 2.

4) Panofka Argos Panoptes (Berlin 1838) Tab. III. 1. Argum hic videmus in terram prostratum (ἐπειτάρυτο Mosch. 56.), Mercurium harpen Argique caput manibus tenentem, pavonem in arbore sedentem, vaccam au- fugientem.

5) Gemmae imago quam huc pertinere sibi persuasit Panofka p. 18 (tab. I. 5) dubitari potest num quid mythici argumenti prae se ferat.

6) Raoul-Rochette choix de peintures pl. 17. Prorsus immerito alteri Moschi imagini Panofka comparavit gemmae imaginem argumenti diversis- simi, p. 19 adn. 1. (tab. I. 7.)

7) Huc illud maxime pertinet quod pavonem consurrexisse scribit ex Argi vulnere; hoc enim veterioribus et poetis et artificibus ignotum erat.

8) Hic etiam illud fortasse consideratione dignum est quod his disertis

Hoc describendi genus paulo deflexum habemus apud Euripiudem, qui Ionis fabulae vs. 1146 sq. imagines describit stragulis quibus tentorum texisse narratur Ion intextas. Atque ei quidem tegumini quo superior pars tegatur inesse dicitur coelum cum sideribus, sole occidente, nocte curru vecta, luna, denique aurora sidera persecuta. In lateribus repraesentatae erant Graecorum cum barbaris pugnae, deinde venationes; in fronte Cecrops cum filiabus. Convenit haec descriptio eo cum Moschea, quod imaginis ratio, quae in uno temporis momento illustrando consistit, se vere observatur, differt eo, quod in singulis verbis nihil eorum invenitur, quibus Moschum vidimus ipsius artis rationem significare, sed ad narrationem quodammodo accendentem orationem ($\eta\lambda\alpha\nu\varepsilon$, $\epsilon\pi\alpha\lambda\lambda\epsilon\nu$, $\eta\kappa\sigma\gamma\tau\iota\zeta$ etc.). Hoc tamen non impedit quominus Euripiudem quoque credamus tales imagines in Delphicis illis stragulis revera vidisse⁹⁾; nam harum quoque similes in ipsis artis monumentis conspicimus. Numinia primum, quibus sidera significantur, personarum forma praedita saepissime repraesentabantur¹⁰, nec minus saepe pugnae et venationes¹¹; in nonnullis operibus

verbis dicit Ionem vaccae speciem prae se ferre. Nam in Ionis forma repraesentanda, prout tota fuerit vacca aut vero virgo vaccae cornibus praedita, temporum discrimen mihi statui posse videtur, quorum sane termini non prorsus certo possunt definiri. Antiquissima aetate vaccae species praevalebat, quod ex antiquissimis vasculis pictis videmus (Panofka I. 5. Revue arch. III. 310. Arch. Ztg. I. c., cf. Paus. III. 18. 7.); deinde per longum tempus altera illa forma sola obtinebat, quae in omnibus posterioris temporis vasculis pictis conspicitur (cf. Herod. II. 41); donec postremo inter utramque formam videntur fluctuare artifices. Nam in gemmarum imaginibus solam habemus vaccae formam (Panofka I. 7. II. 2. III. 1.)

9) Sic eiusdem fabulae vs. 190 sq. argumenta quae in templi illius fronte exsculpta erant Crenae famulas describentes facit.

10) Gerhard, über die Lichtgottheiten auf Kunstdenkmalern. Berlin 1840. Notissima est solis imago quadriga vecti, cf. Welcker alte Denkm. III. p. 53 sq. tab. IX. Noctis certae imagines non supersunt, quam tamen saepius repraesentatam esse constat (Paus. X. 38. 2. Hirt Bilderbuch p. 196). Coelus nunquam apud Graecos personae forma fictus est (Welcker gr. Götterl. I. p. 151.); et propter hanc causam et quia haud commode verba quibus commemoratur ille cum ceteris coniungi possunt (ubi praeterea verba $\alpha\sigma\tau\alpha$ et $\alpha\beta\eta\beta\eta$ infra repetuntur v. 1151. 1152) vs. 1117 mihi suspensus est.

11) Müller Handb. §. 426. 427. Pugnam ad Salamina significari, venationibus autem Herculis labores intellegendos esse Barnesius censuit.

videmus etiam Cecropem cum filiabus ¹². — Longius etiam a Mōschea simplicitate recedit Catulli purpureae vestis descriptio carmini de Pelei Thetidisque nuptiis inserta, cui Ariadnae a Theseo relictæ imago fuerit intexta (vs. 50 sq.). Hic enim primum universa simul fabula illa narratur (vs. 76 sq.), tum vero tantum abest ut ipsis verbis artificii ratio significetur, ut ea quoque immisceantur quae cum ad cognitionem animique habitum pertineant (vs. 52 sq.) aut ad auditum potius spectent (vs. 261), sic in imagine expressa esse nequeant. Sed tamen haec omnia talia esse quae indicari saltem possint in imagine quisque concedet; omninoque videmus poetam imaginis cognitionem bene tenere et ad unum temporis momentum omnia dirigere, quo ad Ariadnam Thesei navem oculis persecutam „parte ex alia“ ¹³ Bacchus cum thiaso appropinquet; sedulo autem cavere, ne quae descriptionis sint, quae narrationis, inter se commisceantur (vs. 76. 124.). Hanc vero quam animo tenere eum manifestum est certam imaginis formam veris artis operibus deberi e monumentis posterioris maxime aetatis certissime cognosci licet, in quibus primum Ariadnam lacrimantibus oculis Theseum prosequentem saepius videmus ¹⁴, deinde non minus frequentem Bacchi cum thiaso ad dormientem Ariadnam accendentis imaginem ¹⁵, simillimam denique Catulliana descriptioni picturam Pompeianam, in qua ad lacrimantem Ariadnam Bacchus cum Sileno duabusque Nymphis accedit ¹⁶. — Has igitur descriptiones specie quidem inter se diver-

12) Videmus eos in amphora pulcherrima (Nouv. Ann. de l'Inst. archéol. Vol. II. pl. XXII. XXIII.) in Orithyiae raptu praesentes, cf. Welcker alte Denkm. III. p. 145 sq. (adnot. 41). Eosdem in opere anaglypho Attico, Mus. Worsl. I. 9, conspicere sibi visus est Müllerus §. 387. 7; in quibus omnibus Cecrops humana figura repraesentatus est. Cecropem cum inferiore serpentis corporis parte, qualem Euripides describit, videtur praebere statua Attica Nouv. Ann. pl. 8. (Raoul-Roch. p. 313 sq.).

13) His enim verbis Romanorum poetas in descriptionibus videmus imaginis formam significare, Virg. Aen. I. 474. Sil. Ital. II. 426. Val. Flacc. I. 140.

14) O. Jahn archaeol. Beiträge p. 281 sq. Habemus hanc imaginem in statuis (Leplat. 35. Gall. Giust. 142) et picturis (Antich. d'Ercol. II. 14. 15. Mus. Borb. VIII. 4).

15) Pausan. I. 20. 2. Jahn p. 287 sq. Raoul-Rochette choix de peintures pl. 3. p. 27 sq.

16) Raoul-Rochette choix d. p. pl. 6. p. 74.

sas eo secum convenire vidimus quod supra appellavimus imaginem rei, non ipsam rem describi; quod quidem inde plerumque fluxisse cognovimus, quod ab ipsis artis operibus materiam describendi sumpserint poetae. — Ceterum probe scio hoc non ut certam normam ubique adhibere licere, imo fieri etiam potuisse ut describendi materiam aut ipse sibi fingeret aliquis aut ab aliis poetis repetere, huic autem severam illam describendi rationem ratiocinando sive imitando accommodaret; quamvis putem, ubi certam imaginem non teneat animo poeta, hoc certis ubique vestigiis facile inventum iri. Huius generis exemplum peto ex Apollonii Rhodii descriptione vestis Iasonis septem imaginibus ornatae (I. 721—767). Quarum quidem plerasque, sicut simpliciter et cum certa imaginis cogitatione describuntur, ita certis operibus originem debere facile intellegitur: nam Veneris primum imaginem (742—746) notissimae statuae duobus exemplaribus nobis servatae iam ab aliis observatum est respondere¹⁷; deinde Pelopis et Oenomai certamen (752—758) eadem qua ab Apollonio describitur ratione saepissime factum esse e vasorum picturis operibusque anaglyphis satis luculenter cognoscimus¹⁸; denique et Apollinis Tityum interficiens (759—562) et Phrixii cum ariete loquentis (763—767) imagines cum describendi genere tum monumentorum comparatione intelleguntur ab artis operibus sumptae esse¹⁹. Quarta imago, qua Teleboarum cum Electryonis filiis pugna repraesentata dicitur, in artis reliquiis non reperitur; cuius argumentum ex Hesiodia eius rei commemoratione (sc. v. 17) sumptum esse puto, quem saepius imitatus est Apollonius et cui ipse tribuit illud de quo disputaturi sumus carmen.

17) Millingen anc. uned. monuments pl. 4—6. p. 6. Welcker alte Denkmäler Vol. I. p. 439. Statuam huius similem in Corinthio templo fuisse Pausanias testatur (II. 5. 1.).

18) Prorsus consimilem imaginem describit Philostratus I. 17., ubi Welckerus artis opera plura attulit. Et Hippodamiam quidem una cum Peleope in curru stantem semper in posterioris aetatis artificiis videmus, in vasorum imaginibus (Monum. ined. II. 32. Gerhard Archemoros etc. 1838) et operibus anaglyphis (Ancient terracottas of the Brit. Mus. tab. 34); Oenomaum autem a curru iam decadentem in opere apud Guattanium monum. ined. 1785. tab. 3. pluribusque a Papaslioti (Arch. Zeitg. 1855. p. 55.) et Friedrichsio (eod. 1855. p. 81) publici iuris factis.

19) Apollo Tityum sagittis interficiens in vasorum picturis, Elite ceramogr. II. pl. 55—57. Phrixus cum ariete, Paus. I. 24. 1. Vasculum apud Gerh. Phrixus d. Herold. 1842. Pictura Pomp., M. Borb. II. 19.

Atque in hac ipsa imagine poetam non certam artificii rationem tenere sed ad rem ipsam enarrandam quodammodo accedere videamus eo quod terram adspergi ($\delta\epsilon\epsilon\tau\omega$) dicit occisorum sanguine Quae cum ita sint, etiam priores duas imagines, Cyclopes Iovi tonitru fabricantes et Amphionem Zethiumque Thebas condentes (730—741), quarum similes in artis operibus non inveniuntur, poetam arbitror ipsum e mythlica historia sibi formasse.

Transeo ad alterum describendi genus, quo rem ipsam neglecta certae imaginis cogitatione describi supra significavi. Hoc autem luculentissime expressum extare in Homericā scuti Achillis descriptione notum est; in qua primum quaecunque describuntur in temporis aliquo decursu posita sunt, deinde permulta adduntur quae ad causas rerum aut consilia spectant nec possunt arte exprimi. Sic ut uno exemplo defungar, in altera eius imagine (Il. XVIII. 509—510) qua pugna de obsidenda urbe describitur, postquam inter duos exercitus non convenisset de foedore innigendo, alter alteri insidias parasse hostesque appropinquantes ex inopinato aggressus esse narratur, inde acerrime pugnari coeptum. Eodem modo in ceteris imaginibus, quae sane pleraeque simplicioris sunt argumenti, ipsas res quasi re vera acciderent enarrari videamus. Huius rei causam et rationem ut cognoscamus eorum meminerimus oportet quibus olim Lessingius²⁰ hunc describendi morem omnino ab artis poeticae propria natura alienum esse habendum demonstravit. Quod duplē ob causam ita esse expōsūt; primum enim his descriptionib⁹ historiarum progressus intermititur; deinde ne potest quidem imaginis plena perspicuitas effici vel accuratissima descriptione. In hanc vituperationem cum omnes quas supra enumeravimus descriptions incurrere facile appareat, Homericam tantum abesse ostendit Lessingius (p. 480. 485.) ut narrationem intermitat ut ipsa, descriptione historia continuetur; quae non sit perfecti operis sed operaे quam in eo perficiendo Vulcanus impenderit; eum enim ut continuo fabricantem cogitemus, repetita formula $\epsilon\nu\delta\pi\eta\lambda\sigma$, $\epsilon\nu\delta\pi\eta\lambda\sigma$ in enumerandis singulis imaginibus effici. Eodem igitur modo (huc enim tendetram) ipsa descriptionum argumenta non de perfectis imaginibus, sed de ipso deo mente sua eas concipiente et formante intelligenda sunt. Nam artifici, qui imaginem ex actionis alicuius decursu sumptam

20) Werke ed. Lachmann Vol. V. p. 471 sq.

fingere instituit, ipsa huius actionis perpetuitas clare animo obver-
setur necesse est, priusquam ipsam perficiat itaque exornet ut ad-
spicientes eam ipsi ratiocinando consilium eius assequamur. Duo-
rum igitur negotiorum quae se apud artificem deinceps excipiunt
prius illud Homerus describendum sibi sumpsit proferendis eis,
quae artifex fingere instituisset; eis omnibus in incerto relictis quae
ad perfectae imaginis formam pertinerent. Haec primum illud con-
venit quod Homeri descriptio caret omnibus istis quibus ceteros vidi-
mus certae imaginis formam indicare²¹; tum vero quod pro certo
affirmari potest Homerum non a veris monumentis argumenta sua
petuisse, cum opera huius magnitudinis tam antiquo tempore nondum
fingерentur. — Adnumerari potest huic generi etiam Theocritea
poculi tribus imaginibus ornati descriptio (I. 32 sq.) in quarum
prima mulierem a diversis partibus viri amore eius incensi sibi
quisque verbis conciliare student, frustra illud quidem; nam illa
δέκα μὲν τρίην ποτιδεόχεται ἄνδρα γέλασσα
ἄλλοκα δ' αὖ ποτὶ τὸν δύπτεῖ νόον.

Videmus poetam certos unius imaginis fines neglegere remque qua-
lis in mente artificis fuerit enarrare. Similiter in reliuis duabus
ea inserit quae arti non conveniunt (cf. vs. 43. 51). Quare Theo-
critum quoque recte negamus artis opera secutum esse, id quod in
postremis duabus imaginibus eo confirmatur quod eas imitatione
expresserit alteram Hesiodi (scut. 207) alteram Homeri (II. XVIII.
561 sq.).

De hoc igitur discrimine pro certo constare volui priusquam
ad iudicium de Hesiodia illa omnium copiosissima scuta Herculis
descriptione formandum accederem; id enim potissimum quod ne-
glegeretur superioribus impedimento fuisse puto quominus in hac
descriptione aut explicanda aut ad pristinam formam reducenda
verum assequerentur. Inter eos autem, qui de hoc carmine aliquo
modo bene meriti sint, primus omnium memoratu dignus est
Schlichtegrollius²². Is enim primum in singularum imagi-

21) Nonnulla quae hic pertinere videntur et propter hanc causam et
aliorum gratia mihi suspecta sunt, quod hic persequi longum est; maxime hic
pertinent vs. 516—519 et vs. 539. 540. Materia quod nonnumquam com-
memoratur, nihil habet offensionis.

22) Ueber den Schild des Hercules nach der Beschreibung des Hesiodus,
Gotha 1788. Nullius enim momenti sunt quibus olim Caylus (Abhandl. Vol.

num terminis accuratius quam antea factum erat definiendis laudabilem operam posuit; deinde singularum imaginum formam et rationes diligenter illustrare conatus est ea persuasione ductus, poetam omnia quae describeret perspicue animo tenuisse, quod qui-dem non ubique simili modo valere cognoscemus; ubi tamen illud probe perspexit, plures earum cum artis antiquissimae operibus mirum in modum convenire, nonnullas autem ad Homeri imitationem esse compositas. Postremo exponit quomodo imagines in scuto distribuenda sibi videantur, formam scuti ovatam cogitandam esse credens; quod certe neque idoneis argumentis neque certis testimoniis adiutus sibi persuasit. Nam cum omnino rotunda clipeorum forma apud Graecos semper fuerit usitatissima, quam qui relinquere puellet hoc diserte indicare deberet²³: tum maxime Homerus, a quo totam hanc armorum enumerationem sumpsit noster, rotundos tantum novit clipeos. Interpolationis suspicionem Schlichtegrollio fere nunquam in mentem venisse is iam reprehendit qui eius libelli censuram egit²⁴. — In singulis plerisque cum Schlichtegrollio fecit Heinrichius²⁵, qui tamen in universum eo ab illo dissentit, quod nusquam artificii normam ac legem censem adhibendum esse, sed omnia ex poeticae licentia descriptionis aestimanda. Quod ipsum de nonnullis imaginibus recte dici, in plurimis autem falsum esse infra apparebit. — Ad propriam descriptionis nostrae conditionem accuratius cognoscendam ut proprius accedere

II. p. 237) Lorrainii cuiusdam ineptissimam picturam illustravit; neque maioris habenda quae Heylerus carminis nostri versioni alicui vernaculae (Mannheim 1784) addidit. Verius tamen quam ipse Schlichtegrollius quique eum proxime secuti sunt olim Clericus iam iudicaverat ad vs. 148: „Non modo intoleranda est licentia poetae, quod multo plura poneret in clipeo quam poterant contineri; sed quod eum impleret αὐτομάτως, qualia multa postea occurserent.“ Significare voluit ea quae cum imaginis natura pugnarent.

23) Fuchs de ratione quam veteres artifices — in clipeis imaginibus exornandis adhibuerint, Göttingen 1852. p. 3.

24) Neue Bibliothek der schönen Wissenschaften Tom. 38. p. 273 sq. Spurious habuerat Schlichtegrollius tantum vs. 156—160, 204, 299. quibus addidit censor ille vs. 151—153, 267—269, 296—300. Verum in his postremis iam Guietus offenderat.

25) Hesiodi scutum Herculis ed. Heinrich, Vratisl. 1802. cf. proll. p. 75, comm. p. 138.

tur opera factum est Welckeri²⁶; qui cum in singulis imaginibus illustrandis quantopere pleraque cum artis antiquae monumentis convenienter luculentius quam antea factum esset ostendisset, in universum tamen ita statuit neque totius scuti ordine quodam distributi neque ipsarum ubique imaginum certam formam animo tenuisse poetam; qui nonnulla eorum maxime quae ab Homero sumpta essent nimis breviter ac neglegenter proferret, deinde fingeret etiam quae artis naturae prorsus obstarent. Propter ipsam autem in describendo obscuritatem cum duobus saltem locis posteriorum additamenta conspici putaret²⁷, eam viam monstrasse videri potest quae ingredienda esset ut ad certam de hac descriptione sententiam perveniri posset. Quam quidem non sunt ingressi qui deinceps Hesiodi carmina ediderunt Dindorfius et Goettlingius; quorum ille uno saltem memorabili exemplo (v. 292 sq.) trium recensionum vestigia detexit; Goettlingius vero, cum in singulis fere nusquam offenderet, totam scuti descriptionem ab Alexandrino quodam poeta carmini insertam esse putavit propter mirum illud commentum quod vs. 217 de Perseo legitur; antea autem versum 318 continuo post vs. 140 lectum esse. Haec ita coniuncta esse non posse Hermannus ostendit Opusc. VI. p. 196; omninoque minus considerate Goettlingius primum ex uno loco de tota descriptione iudicium tulit, qui ipse potest subditius esse, deinde Alexandrinis poetis ea tribuit quae quidem ab eis qui nobis noti sunt alienissima esse supra apparuit.

Primus Godofredus Hermannus²⁸ certissimis argumentis pro indubitate habendum esse demonstravit, non posse hanc descriptionem ab uno poeta profectam esse. Nam cum illud fortasse ferri posset nimis magnam esse imaginum copiam, tamen quod sine certo ordine pleraque enumerata essent, quod, quae inter se essent simillima, coniuncta exhiberentur, quod integri versus aut versuum partes repetitae legerentur (v. 150 = 163, 147 = 236, 282 = 283 = 299, 277 = 284, 295 = 298 = 300) haec omnia intellexit coacervatam indicare plurium poetarum operam. Itaque in eo operam posuit ut pristinam descriptionis formam conjectando

26) Zeitschrift für alte Kunst, Göttingen 1818. p. 573 sq.

27) In belli numinum commemoratione vs. 154 sq. et in agriculturae descriptione vs. 286 sq.

28) In censura editionis Goettlingiana, Opusc. VI. p. 204 sq.

assequeretur; diversarumque recensionum vestigia in singulis pri-
mum imaginibus persecutus undecim quas retineret imaginum quae
inter se similes essent secernens, quae diversae apteque sibi invi-
cem opponendae coniungens duas assecutus est quae ab initio
extitissent integras scuti descriptiones quattuor utramque imaginibus
consistentes, quibus accederet Oceanus postremae, draco sive φόβος
aut Perseus mediae imaginis loco. Harum alteram poetæ menti
non respondere Lehrsius ostendit; sed in singulis etiam imaginibus
tractandis pleraque minus feliciter conatum esse Hermannum infra
videbimus. Cuius rei causam eam esse existimo quod neque quae
imitatione orta sint a ceteris distinxerit neque usquam de artis
operibus comparandis cogitaverit. — Totam autem Hermanni ope-
ram inutiliter esse adhibitam efficere studuit Odofredus Muell-
erus, qui in *commentatione de hac descriptione conscripta*²⁹
ostendere conatus est omnia in ea prudenter esse instituta recto-
que ordine procedere; proprium autem ei esse, quo a similibus
distaret, quod cum antiquissimæ artis operibus ubique conveniret.
Quod quidem in omnibus imaginibus aequabiliter valere ne ipsi
quidem contigit demonstrare; in plurimis autem iam superiorum
opera patefactum erat. Exponit deinde Muellerus quomodo sibi
imagines in scuto distribuenda videantur, idque tabula adiecta
illustrat; ubi consilium aliquod poetæ deprehendisse sibi visus est
in duabus totius scuti partibus distinguendis consistens ea ratione,
ut altera terrorem moventibus altera tranquillioris argumenti ima-
ginibus impleta esset. Argumenta illa quibus Hermannus plurium
poetarum manum agnoscit ostenderat speciatim refutare prorsus de-
dignatus est, eosque locos quibus hoc luculentissime efficitur silentio
praeteriit. Attamen Muellerum, cuius operam maiore cum iure
diceres haud ita multo cum fructu esse adhibitam, plurimi recen-
tiorum secuti sunt³⁰; cum viam ab Hermanno munitam unus eo-

29) Archäologische Vindication des hesiodischen Herakles - Schilde, Kleine Schr. Vol. II. p. 615 sq.

30) Fatetur hoc Rankius, scut. Herc. p. 341; Lennepius, deinde (ed. 1854) p. 32 sq. priorum sententiis non satis accurate pertractatis ipse Muellero assentitur. Maxime autem mirum est quod etiam post Lehrsiū extiterint qui eius opera prorsus neglecta novas imaginum distribuendarum vias ingressi sint, Brunnius (Rhein. Mus. N. F. V. p. 342 sq.) et Overbeckius (Gesch. der griech. Plastik I. p. 53) qui fatetur adeo sibi nondum ad finem perductam videri quaestionem de carminis forma.

rum ingressus sit Lehrsius³¹. Is autem eo maximum in hac quaestione profecit solvenda, quod ex illa duarum partium distinctione, quarum altera ex ipsius poetae ingenio profecta esset (vs. 144—236) altera ad Homericæ scuti Achillis descriptionis imitationem expressa (237—317) argumentum cepit ad pristinam carminis formam restituendam. In his enim praeter ipsum discrimen illud accedere cognovit quae ostenderent eas non posse ab uno poeta profectas esse; primum miram quandam scribendi generis diversitatem, cum prioris seriei imagines simpliciter et perspicue describerentur, molestissime autem confertae obscuraeque essent ceterae; deinde quod prioris partis singulae imagines verbis εν δὲ et versus initio inciperent, id quod in altera parte prorsus omittetur (επὶ δὲ 236 seu οἱ δὲ 237, παρὰ δὲ 270 in medio versu)³². Inter priores deinde imagines intellexit primam draconis (144—160) et secundam serpentum imaginem (161—167) alteram ad alterius imitationem expressam esse; reiecta igitur prima, quae praeterea molestis additamentis aucta esset, novem quas retinuit imaginibus serpentum (161—167) aprorum leonumque pugnae (168—177) Lapitharum et Centaurorum pugnae (177—190) Martis (191—196) Minervae (197—200) deorum chori (201—206) portus (207—215) Persei (216—228) denique quem inter hasce connumbravit Oceani (313—317) genuinam scuti descriptionem constitisse censuit; quas deinde ipsas a posteriorum additamentis quibusdam liberatas ita in scuto distribueret conatus est ut Perseum in medio positum circumdarent ceterae, in quibus binas e consilio poetæ sibi opponendas facile agnosceres. Pro certo autem talem ordinem indicare voluisse poetam se negat arbitrari, neque singularum imaginum putat certam ubique formam tenere eum, sed fere omnia, ut olim Heinrichius putaverat, e poeticae descriptionis indole aestimanda esse. Quod quidem in plurimis imaginibus secus esse cum iam pridem observatum sit, tum luculentissime apparebit si discrimen illud describendi generum quod supra statuimus ad Hesiodiam descriptionem adhibemus; quorum in ea miram habemus varietatem. Eas enim imagines quae inde a Lapitharum pugna usque ad

31) In censura editionis Rankianae, Jahns Jahrb. 1810. p. 269 sq. Populäre Aufsätze p. 243 sq.

32) Quibus quod Lehrsius addit Vulcanum in altera solum parte scuti artificem commemorari (211. 297. 313.) versus n. 219 omisso videtur.

Perseum leguntur ab eis quae priorem illam praecedunt eodem modo differre appareat quo supra Catulli descriptionem a Moschea distare vidimus; cum eorum quae in altera parte leguntur quae-dam vel Homericum illud genus p[ro]ae se ferant (cf. vs. 251 sq.), quamquam in hac parte de certo describendi genere propter obscuritatem et neglegentiam vix dici possit. Ex hoc autem discrimine certissimum puto argumentum peti posse quo secernantur quae ab eodem poeta non possint profecta esse; haec enim genera cum in diversa poetarum de ipsorum arte sententia nitantur, in unius poetae descriptione coniuncta cogitari nequeunt. Quod etiam in diversas illas prioris generis species cadere existimo, quibus ipsis diversum poetae consilium inesse appareat. Hisce autem generibus novum quoddam maximeque mirum apud Hesiodum accedit, quod in talibus immiscendis perspicitur quae consulto fingantur artis na-turae repugnantia (cf. vs. 164. 217. 231. 309. 316); in quibus quidem Lehrsius propriam quandam intellegi voluit pulchritudinem. Exercetur sane hoc modo poetica quaedam in describendo libertas, diversissima tamen illa ab ea qua Homer[us] utitur; proficiscitur enim poeta a certae imaginis cogitatione, idque in ea conspici vult quod natura vetat quominus conspiaciatur. Quod num admirabile sit habendum, ego non iudicabo³³; hoc tantum teneri velim esse quoddam simplex et ad artis rationem conformatum describendi genus, a quo talia commenta suapte natura aliena sint.

Omnium autem severissime in *La pitharum et Centaurorum pugnare imagine* (vs. 178–190) imaginis certam cogitationem servari videmus; in qua nihil de ipsius fabulae ratione, de pugnae causa hominumve consiliis profertur, sed tantum imaginis forma personarumque se petentium figurae mira orationis simplicitate de-scribuntur. Accedit accurata materiae indicatio (vs. 183. 188) qua ipsae personae dicuntur aureae, arma eorum argentea fuisse. De-nique verbis ὡςεὶ ζωοί περὶ ἐόντες vs. 189 diserte imago ab ipsa re distinguitur. Iam cum hanc descriptionem proxime accedere videamus ad illas quas ex artis operum notitia fluxisse supra apparuit, ipsam iure suspicamur certum aliquod artificium reddere; quod quidem mihi multo quam antea factum sit luculentius confir-mari posse videtur. Centaurorum primum pugnantium figura qua-lem poeta sibi cogitavit in antiquissimae aetatis operibus frequen-

³³⁾ Cf. de his locis recte monentem Welckerum p. 586.

tissima erat. Sic in vasculo picto Caere oppido reperto³⁴ sex Centauros videmus lapidibus et arboribus adversus Herculem sese defendantes, quorum figurae nigro colore exhibitae sunt. In simili vasculo a Gerhardo Vulceis empto³⁵ Herculem habemus cum tribus Centauris arboribus eum aggressis pugnantem, quibus nomina adscripta sunt "Υλαιος, Πετραιος, Ασβολος. Et haec nomina autem posteriora et arboribus pugnantes Centauros apud Hesiodum habemus. Ipsam autem quam Hesiodus descripsit imaginem praebet ingens amphora illa a Fran^{co}isio anno 1844 Clusii reperta³⁶, in cuius collo pieti sunt Centauri arboribus lapidibusque adversus Lapithas scutis et ensibus armatos pugnantes; omnibus autem figuris nomina adscripta sunt, partim sane temporis iniuria obliterata. Supersunt Centaurorum "Ασβολος, Πετραιος, "Αγριος, "Υλαιος, Πνυχος, Ορόβιος, Μελαγχαιτης, Lapitharum Θεσεύς, "Οπλον, Καινενς, "Αρτιμαχος, et fragmentum nominis *ΑΡΤ* in quo Δρων³⁷ latere suspiceris³⁸; quorum quae sit cum Hesodiis compluribus congruentia manifestum est. Haec autem vascula ipsa satis antiquo tempore facta³⁹ testimonium nobis perhibent etiam veteriorum operum a quibus ceperint argumenta sua vasorum pictores. Hoc eo efficitur quod similes eorum imagines fuisse discimus in antiquissimis illis quorum notitiam habemus operibus, arca Cypseli et Apollinis Amyclaei throno, quorum operum imagines plurimas in vasorum picturis simili modo exhibitas cognoscimus³⁹. Sic Pausanias in arca Cypseli viderat τοξεύοντα ἄνδρα Κενταύρους (V. 19. 2.) in throno autem Amyclaeo primum τὴν παρὰ Φόλῳ τῶν Κενταύρων μάχην, deinde Ἡρακλέοντος πρὸς Ορειον Κένταυρον μάχην (III. 18. 7.) Orei autem nomen ibi adscriptum legimus etiam

34) Gerhard auserlesene Vasenbilder II. tab. CXIX. Similes nonnullas imagines descriptas invenies ab O. Jahnio Beschreibung der Vasensamm. König. Ludwigs No. 151. 156. Einl. p. CLI.

35) Gerhard etruskische Vasenbilder tab. 13.

36) Monum. ined. IV. tab. 54—57. Braun Annali XX. p. 299 sq. Gerhard Archäol. Zeit. VIII. tab. 23. 24. Jahn I. c. Einl. p. CLIII. sq. Lapitharum et Centaurorum pugna praeterea invenitur in vasculo antiquissimi temporis, O. Jahn Beschr. No. 126.

37) In obliteratis Pirithoum fuisse iure Gerhardus suspicatur. Fortasse ceterorum quoque plura cum Hesodiis conveniebant.

38) O. Jahn Einl. p. CLVII. CLXXXIII.

39) O. Jahn Einl. p. CLXVII. Archäol. Aufsätze p. 6 sq.

apud Hesiodum vs. 186. Itaque Lapitharum quoque et Centaurorum pugnam eodem modo quo eam in amphora illa vidimus in antiquioribus etiam operibus saepius representatam esse quamquam pro certo non sit compertum summo tamen cum iure suspicamur⁴⁰. Descriptio igitur nostra cum omni ex parte conveniat cum eis operibus, quae extiterunt ea qua ipsa conscriberetur aetate⁴¹, non possumus dubitare quin ex eorum notitia fluxerit. Hoc vero certius etiam nominum illo consensu confirmatur. Nam cum omnino solerent antiquissimae aetatis artifices in cuiusvis generis operibus personarum nomina adscribere⁴², vasorum pictores illi ipsa nomina sine dubio a veteribus monumentis sumpserunt; ab iisdem autem poetam sua illa nomina petiisse mihi veri simillimum videtur esse. Adscripta enim ea sine dubio sibi cogitavit; quod nisi fecisset, magnopere perspicuum illud describendi genus reliquisset; nescires enim quomodo personae in imagine dignoscerentur. De hac autem re nulla prorsus dubitatio relicta esset, si licaret suspicari, nonnulla horum nomina omnino ab artificibus primo esse introducta⁴³. Constat enim artifices sacpe in magna eiusdem generis personarum multitudine, ubi nomina a poetis tradita non sufficerent, ipsos novas finxisse e natura et conditione hominum illorum petita⁴⁴; huius autem generis pleraque esse illa

40) Hoc luculentissime perspicitur in illa imagine ex hoc argumento sumpta, in qua Caeneus a Centauris in terram intruditur eoque modo occiditur; quam cum in pluribus antique artis monumentis conspiciamus (Welcker p. 577) tum etiam in amphora Francoisiana. Significare videtur eam etiam Pindarus fragm. 148. Boeckh.

41) De tempore carminis nostri disputarunt Heinrichius p. LVIII. Rankius p. 367 sq. Bernhardy Litt. II. p. 258, qui in eo omnes consentiunt, infimae epicae poeseos aetati illud adscribendum esse. Rankius Pisandro antiquius esse putavit, qui mutaverit Herculis armaturam eumque leonis pelle et clava instruxerit. Quod tamen non debebat continuo ab omnibus poetis recipi, sicut neque ab artificibus statim omnibus observatum est (Heinr. p. LXXI. Paus. V. 18. 1. Gerh. auserl. Vasenb. II. tab. 84 etc.). Ceterum videbimus non idem esse ipsius carminis tempus eorumque quae ad scuti descriptionem pertineant.

42) Paus. V. 17. 4. III. 18. 7.

43) Conveniunt sane nonnulla Lapitharum nomina cum Homericis II. I. 262; cui tamen plurima, Centaurorum fere omnia, ignota sunt.

44) De Polygnoto hoc testatur Pausanias X. 25. 2. Cf. Welcker die Compos. der polygnot. Gem. p. 36. Multa exempla e vasorum imaginibus collegit O. Jahn. Einl. p. CXVII.

Centaurorum et Lapitharum nomina iam alii observarunt⁴⁵. — De huius descriptionis genere, et origine cum satis mihi videar disputasse, addam pauca quae mihi ad restituendam eius genuinam formam requiri videantur. Videmus enim vs. 186 Mimantem epitheto ornari μελαγχαίτης, unico huius generis in hac imagine neque cum eius describendi genere satis conveniente; nam quomodo crines nigri in argentea figura exprimerentur? In amphorae autem pictura illa inter ipsa nomina propria erat Μελαγχαίτης, quem legimus etiam apud Diodorum (IV. 12.) ; Μίμας autem neque in artis monumentis neque apud poetas inter Centaurorum nomina invenitur. Itaque sine dubio apud Hesiodum quoque Μελαγχαίτης Centauri nomen est, in Μίμαντα autem aliud nomen latet nobis pro certo haud definiendum⁴⁶. Alterum quod hisce addere volui ex symmetriae cuiusdam ratione singularumque partium aequabilitatis fluit, cuius veteres et poetas et artifices⁴⁷ admodum studiosos fuisse scimus. Eam autem in nostra descriptione, qua tam certa imaginis ratio tenetur, paulum abest quominus plene servatam esse videamus; ut de consilio poetae facile nobis persuadēamus. Centauros enim habemus octo, Lapithas novem⁴⁸; illorum deinde nomina tribus, horum vero quatuor versibus enumerata. Est autem inter Lapitharum nomina quo facile careamus Mopsus Ampycides

45) Braun Annali XX. p. 333. Müller Orchomenos p. 189. Cf. O. Jahn l. c. not. 864. Apud posterioris aeftatis poetas et scriptores complura horum nomina habemus, Diodorum maxime (IV. 12.) et Ovidium (Metam. XII. 210 sq.) qui sine dubio et hunc Hesiodi locum cognitum habuerunt et artis opera respexerunt. Asbolum praebet epigramma apud Philostratum Heroic. 20, 37. Sexaginta Lapitharum nomina noverat Porphyrius schol. Il. I. 266.

46) Suspicatus eram τ' Ἀγριόν τε aut τε Λυκόν τε (Ovid. Met. XI. 332). Propius vero et ad horum nominum naturam et nonnihil etiam ad litterarum similitudinem accedit quod mihi O. Jahnius proposuit, τ' Ἐλατόν τε, cf. Apoll. II. 5. 4. Ceterum ex iisdem artis operibus colligitur formam Centaurorum eam sibi cogitasse poetam qua et in illis et posteriore tempore in omnibus operibus fingerentur, toto equino corpore praeditos cui humani corporis superior pars adderetur. Erravit igitur O. Müllerus etiam hic, quem omnino non recte alteram formam, ubi totum humanum corpus haberent Centauri, antiquiore tempore usitatiorem fuisse arbitratum esse monuit O. Jahn. Archaeol. Aufs. p. 13.

47) Brunn, über den Parallelismus etc. Rhein. Mus. N. F. V. p. 321 sq.

48) Vix moneatur oportet, quod pridem observavit Graevius, praepositione ἀμφὶ ipsas tantum personas significari notissimo dicendi genere.

181, qui ab antiquioribus in Argonautarum numero saep us profertur, inter Lapitharum nomina haud invenitur⁴⁹. De cuius porro vaticinio, quo maxime clarus habebatur inter Argonautas, miramur nihil Hesiodum proferre toto illo versu quo de eo exponat. Quem versum si postea adiectum habemus, restitutam accipimus et imaginis symmetriam, in qua octoni ab utraque parte sese aggreditantur, et ipsis descriptionis, ubi quinis de utrisque versibus exponatur.

Cum hac igitur imagine eam primum comparemus quae praecessit a prorum et leonum pugnae vs. 168—177; quam statim videbis ab illa esse diversissimam. Nam omnium illarum rerum, quibus illic vidimus imaginis rationem significari, hic prorsus nihil invenimus; cum neque materiae indicentur, neque formulae quibus imago ab ipsa re secernatur adhibitae sint; referta deinde sit oratio eiusmodi vocibus quae ad figuram ipsam quae conspiciatur nullius momenti sint; denique descriptio ad Homericum genus narrationi similius accedat eo, quod bestiae illae cum imperfectos videant leonem duosque apres magis etiam ad pugnandum incitari dicuntur. Hisce accedit scribendi generis a sequentibus maxima diversitas; haec enim descriptio quantopere sit frigida et ieuna, cum in sequentibus non possimus non elegantiam quandam agnoscere quisque sentiet⁵⁰. Hanc igitur descriptionem appareat non ex

49) De Mopso omnia congessit Burmannus in catal. Argonautarum, Valerii Flacci editioni praemisso. Lapitham eum Strabo nominat IX. p. 443 et Ovidius Met. XII. 456, qui potuerunt hunc ipsum locum respicere.

50) Huc maxime vs. 176. 177 refero quibus eadem fere verba repetuntur quae vs. 168. 169 iam legebantur. Deinde mihi maxime languere videntur versus 170. 171, quibus quod in superioribus iam indicatum fuerat, sese aggressuros fuisse illos, molestis ambagibus et vix ferendo orationis decursu extenditur. His autem versibus mihi aliqua interpolationis suspicio admoveri posse videtur e duobus vocalis τῶν καὶ, quae primum ipsae ineptissime scriptae sunt, quasi aliquid novi et inexpectati adderetur, deinde saepius in his Hesiodiis carminibus positae inveniuntur ubi aliis praeterea causis locum esse postea adiectum demonstrari possit; quo mihi pertinere videntur versus Theogon. 458. 910. Scut. 7. 8; quod tamen hic persequi longum est. — De ceteris versibus restituendis bene meritus est Lehrsius, qui vs. 172—175 ita cognovit contrahendos esse

ἡδη γάρ σφιν ἔχειο μέγας λίτη, ἀμφὶ δὲ κάποιοι
σοιοὶ τεθνητες ὑπὸ βλοσφυροῖσι λέοντοι
in quibus mihi interpolatione fluxisse videtur e verbis ex vs. 268 in margine
adscriptis αἵμ' ἀπέλειβεν ξράζε.

earum numero esse, quae ad certi alicuius operis normam conformatae sint⁵¹; immo poetam persuasum habeo hanc descriptionem Homeri recordationi debere. Is enim primum saepissime ab apri sive leonibus comparationes suas petiit (Il. V. 782. VII. 256. VIII. 378. XI. 413) in quibus vel pugnam inter leones et apros legimus Il. XVI. 823; deinde in ipso Herculis balteo qui describitur Od. XI. 611. facti esse narrantur.

ἄροτοι ἀγρότεροι τε σίες χαροποί τε λέοντες
quem locum eo magis respexit nostrum credendum est, cum in eo solo apud Homerum de Herculis armis aliquid praedicetur. Hanc igitur imaginem et sequentem Lapitharum pugnae, et describendi genere et fonte inter se diversissimas, nemo putabit ab uno poeta in eadem descriptione exhibitas esse potuisse.

Ab utraque rursus imagine distare videmus eas quae Lapitharum pugnam secuntur; in quibus primum considerabo duas illas sibi respondentes Martis et Palladii imagines (191—200)⁵². Non desunt in iis indicia quibus prius illud describendi genus agnoscatur; primum enim non relinquatur unum temporis momentum; deinde verbis *ώσει ζωοὺς ἐναργῆς* 194, *ώσει τε μάχην ἐθέλονσα* *ζορύσσειν* 198 imaginis cogitatio inculcatur; postremo materia indicatur equorum 192 et Palladis galeae 199, in personis autem omittitur. Hoc eo fortasse excusares quod e praecedenti imagine eam intellegendam esse dices; verum in sequentibus imaginibus cum sane eodem modo personarum materia omittatur, in Persei rursus imagine indicatur v. 220. Hic igitur plenam perspicuitatem assequi noluit poeta; cuius rei in ceteris quoque inveniuntur vestigia. Primum qui verba *ώσει ζωοὺς ἐναργῆς* scripsit, is veram formulae illius vim non satis perspexit; id enim quod de Marte dici expectamus, tam perspicue cum fictum esse quasi vive ret, de iis dicitur quibuscum pugnet, de quibus praeterea nihil audi mus⁵³. Deinde vero maioris momenti illud est, quod pugnae qui-

51) Quamquam scio, eiusmodi bestias vario modo antiquissima aetate saepissime factas esse, cf. Jahn Einl. p. CXLIV. In ipsa amphora Françoisiana habemus leones cum apri pugnantes.

52) Peculiares eas imagines esse habendas propter verba *ἐν δὲ recte statuit* Lehrsius. Antea enim ad Lapitharum pugnam pertinere dei illi credebantur, Schlichtegroll. p. 64. Welcker. p. 577. Müller p. 622.

53) Haec difficultas sane eo mihi evanescere videtur, quod alia praeterea accedunt quibus adducamur ut hunc versum spurium iudicemus; nam nimis multis hoc loco coniunctis participiis (*ἐχων — κελευων — ἐναργῆς*)

dem interesse numina illa e verbis προνλέεσσι κελεύων, πόλεμον καταδύεναι ἀνδρῶν, ἐπὶ δῷχετο φύλοπιν αἰρῆν clare perspicitur⁵⁴, haec autem pugna a quibus geratur et quomodo in imagine repraesentata sit ne verbo quidem exponitur⁵⁵. Videtur igitur hic poeta certam imaginis formam non sibi cogitasse, genus autem describendi ad illius similitudinem, quod aut ex antecedenti imagine aut aliunde sibi cognitum esset, cuius propriam vim et rationem non perspiceret, imitando conformasse. Cui rei convenit quod leguntur hic etiam talia quae ad narrationem nonnihil accedant, ιέμενοι καταδύεναι 196, ἐπὶ δῷχετο 200, aut omnino ad visum non pertineant, βλοσνραῖο, ποδώκες 191, ἐναρφόρος 192, cuius generis in priore imagine nihil habuimus. Quacum ita sint, haud

ἐπεμβεβαώς) paulo molestior oratio procedit. Simili ratione infra versum 290 postea adiectum esse videbimus. Et cum propter eandem illam symmetriae legem poetam credi conveniat hos deos, quos sine dubio sibi oppositos esse voluit, aequali etiam versuum ambitu descriptsissē, non possum non etiam de versu 193 dubitare. Cuius rei infra luculentum accedere videbimus argumentum.

54) Vedit hoc Hermannus. Lehrsius fieri posse putabat ut haec non de vera pugna acciperentur; quae mira esset dicendi obscuritas et ambiguitas.

55) Hanc difficultatem Hermannus audaciore mutatione removere voulit. Nam cum etiam vs. 237 sq. incertorum populorum de expugnanda urbe bellum describeretur, Gorgonum commemorationi non apte additum, ubi οξ δὲ verba significant aliquid quod praecessisset, hanc descriptionem coniecit antea cum Palladis imagine coniunctam fuisse hoc modo

200 αἰγίδα τ' ἀμφ' ὕμοις· ἐπὶ δῷ ϕχετο φύλοπιν αἰρῆν

236 δεινὸν δερομενην· κεφαλῆς δὲ ἀμφὶ στήθεσσιν.

Τοργετης ἐθορειτο μέγας φόβος· οἱ δὲ ὑπὲρ αὐτέων

ἀνδρες ἔμαρνάσθην πολεμῆσαι τεύχε' ἔχοντες

quod quidem mihi nullo modo fieri posse videtur. Nam primum quod populi de urbe pugnantes non certo nomine designantur, cum tamen huius rei certa possit imago cogitari, nihil habet offensionis; deinde ne est quidem imago illa eo quo Hermannus putavit cum Gorgonibus coniuncta, cum ὑπὲρ praepositio novam scuti aream significet; porro siquidem Τοργετης κεφαλῆς φόβος de Gorgone in Palladis aegide conspicua dici voluit, incommodè ad aegidem describendam rediret poeta cum iam ad pugnam transisset vs. 200; denique ne tenuit quidem Hermannus quod initio voluerat; qui cum antea id assecuturus esse videretur ut Mars et Pallas ipsi huic pugnae interessent, postea nihilo minus peculiares eis imagines effici voluit (p. 213). Coniunctionem autem Perseti imaginis cum obsessa urbe, quam sic prorsus obscuravit Hermannus, multo facilius explicari posse apparebit.

certe credideris ab artis operibus hasce imagines sumptas esse⁵⁶, quas contra luculenter demonstrari potest Homeri recordationi debet. Primum enim quae de Palladis armatura proferuntur, ea omnia copiosius enarrata poeta invenire potuit Il. V. 738 simillimis adeo ipsis verbis. Martis autem comitumque eius Palloris et Pavoris cogitationem patet ortam esse e simillimorum verborum recordatione Il. XV, 119.

*καὶ ὃ ἵππους κέλετο δεῖμόν τε φόβον τε
ζεύγνυμεν, αὐτὸς δ' ἔντε ἐδύσετο παμφανόωντα*

Coniunctos deinde Martem et Palladem saepissime apud Homerum habemus, Il. IV. 439. V. 430. XX. 358. Od. IV. 439 et in ipsa scuti Achillis descriptione XVIII. 516. Hisce postremo accedit, quo hae imagines a praecedentibus differant, quod singula etiam verba omnia fere ad Homeri imitationem expressa sunt⁵⁷; ut iam nobis contigerit in hac priore descriptionis parte trium diversorum poetarum operam dignoscere. Quorum cui sequentia adscribenda sint iam quaeramus.

Versibus igitur 201—206 describitur deorum saltantium chorus⁵⁸, in quibus Apollo νιθαρίζει, Musae canunt. De huius autem imaginis describendi genere non potest prius iudicium formari quam de eius genuina forma inepto additamento inquinata pro certo nobis constiterit. Verbis enim

θεῶν δ' ἐδος ἀγνός Ὄλυμπος

*ἐν δ' ἀγορῇ περὶ δ' ὄλβος ἀπείριτος ἐστεφάνωτο
ἀθανάτων ἐν ἀγῶνι.*

apparet deorum saltationem et Musarum cantum, quae arcte inter

56) Quod quidem in Martis imagine eo minus est veri simile quia eius figura antiquissimo tempore nondum erat tam certo definita certisque signis exornata; qui ubi proelio interest vix a ceteris pugnantibus distinguitur. Cf. Müller Handb. d. Arch. §. 372. O. Jahn Beschr. No. 48.

57) Cf. ποδώνεες ἐστασαν ἵπποι = ἵπποι ἐστασαν ὠκύποδες Il. X. 569, ποντεύσσαι κελεύων = ἡγεμόνα ποντέων Il. XV. 517, πόλεμον καταδύμεναι ἀνδρῶν = μάχην καταδύμεναι ἀνδρῶν Il. III. 241, Λιός θυγάτηρ ἀγελεῖτη Τοιογένεια = eisdem verbis Od. III. 378, denique φύλοπις αἰνὴ apud Homerum notissima, cf. Il. IV. 15 etc.

58) Ita recte vocem χορὸς mihi interpretatus esse videtur Welckerus, quod necessarium videtur maxime propter εξῆχον vocem 206, cf. Athen. p. 180 D, Il. XVIII. 606. Müllerus putavit χορὸν hic quoque, ut saepius apud Homerum, locum significare, in quo saltaretur, quod de deis quidem inauditus esset neque omnino satis apte diceretur.

se coniuncta esse debebant, molestissime divelli. In quibus alias praeterea ob causas superiores offenderunt locumque vario modo sanare studuerunt. Primum cum verba θεῶν δέ ἔδος ἀγνὸς Ὁλυμπὸς non essent coniuncta cum praecedentibus nec ferri posset loci commemoratione tam sero posita, D. Heinsius, quem permulti etiam recentiorum secuti sunt, emendanda haec esse sic putavit θεῶν δέ ἔδος ἄγνυτος (resonabat) Ὁλυμπὸς. Sed neque adhiberi ita potuit ἄγνυμαι verbum sine addita echus notione (cf. vs. 279 περὶ δέ σφισιν ἄγνυτο ηχώ) neque haec soni significatio in Musarum cantu ferri potest⁵⁹⁾. Relinquerentur etiam sic gravissimae de sequenti versu dubitationes. Quo quidem Hermannus describi putavit forum in quo pretiosissima quaeque venirent; coniunctum igitur eum antea fuisse cum sequenti portus descriptione, quibus omnibus una humanarum fortunarum imago efficeretur; inde in iusto loco a librario quodam positum. Sed huiusmodi forum a portu in quo piscator sedeat diversissimum est, neque unam his rebus imaginem effici veile potuit poeta; quod ipse diversissimus versuum numerus docere potuit. Müllerus eo versu denuo significari putavit deorum concessum Musarum cantum audientium; quod Lehrsius idcirco fieri non posse recte monuit, quia ἀγορὴ non omnem concessum significaret sed eum qui consilii capiendi causa iniretur. Et hunc igitur et praecedentem versum Lehrsius voluit spuriū haberi. Sed cum verba χρωσείη φόρμιγγι aptissima sint et vix deesse possint Apollinis commemorationi, contra verba ἀθανάτων εν ἀγῶνι 205. prorsus sint superflua et molestam repetitionem prae se ferant (ἀγῶν = ἀγορή, ἀθανάτων vs. 201), sic mihi videatur haec descriptio restituenda esse

εν δ' ἦν ἀθανάτων ἱερὸς χορὸς· εν δ' ἄραι μεσοψ
ιμεοθεν κιθάριζε Διὸς καὶ Λητοῦς νιός
χρωσείη φόρμιγγι· θεαὶ δὲ ἐξηροχον ἀοιδῆς
Μοῦσαι Πιερίδες, λιγὸν μελπομένης εἰκνῦαι⁶⁰⁾.

Iam de describendi genere quaeri potest. Quod mihi videtur prioribus duabus Martis et Minervae imaginibus similius esse quam Laphtharum pugnae; nam in universum quidem simplex est et imaginis rationem sequitur (λιγὸν μελπομένης εἰκνῦαι 206); sed primum

59) Frigidissimum est quod Lennepius proposuit ἔγγυς Ὁλυμπὸς, neque omnino ferri potest quod olim Guietus coniecerat ὄγνυτος Ὁλυμπὸς.

60) Eadem dicitur ab editoribus esse Bauermeisteri sententia Obss. in Hes. carm. p. 16, cuius libello mihi uti non licuit.

citharae tantum materia indicatur, non ipsarum personarum; deinde quod Apollo ἴμερόεν κιθάριζε, hoc certe in imagine non conspicebatur; postremo miramur quod tam incerte tantum deorum chorū nominat, ubi is qui Lapitharum pugnam descripsit sine dubio singulorum nomina enumerasset. Iam intellegimus hic quoque certam imaginis formam poetae oculis non esse obversatam, describendi autem illud genus imitando accommodatam esse argumento aliunde petito. Nam huius similes imagines e veterioris artis monumentis non sunt cognitae, in quibus cum Apollinem et Musas cantantes⁶¹, deinde deorum pompas⁶² saepius exhibitas videamus, deorum tamen saltationem nunquam conspicimus. Immo veteriorum imitatione hanc descriptionem ortam esse et e duobus quidem antiquiorum poetarum locis, quos iam Rankius comparaverat, quasi conflatam omnium mihi certissime videtur cognosci posse. Primum enim brevem illam saltationis descriptionem quam Homerus vendemiae imagini addidit ll. XVIII. 569 — 572, ubi circa puerum canentem saltant ceteri, respexisse nostrum similia verba ἐν μέσοισι, ἴμερόεν κιθάριζε, φόρμιγγι λυγείη ostendunt. Saltationem autem cum ad deos referret, in animo habuit narrationem quam in hymno ad Apollinem vs. 182—206 legimus, in qua prorsus eadem res nonnunquam eisdem verbis exponitur, vs. 182 Λητοῦς ἐρικυδέος νύός, vs. 184

τοῦ δὲ φόρμιγξ

χρυσέον ὑπὸ πλήκτρον καναγῆν ἔχει ἴμερόεσσαν.

Inde etiam explicari mihi posse videtur, quomodo ea quae vs. 203. 204 inserta leguntur irrepare potuerint; scilicet is, qui narrationem illam accuratius teneret memoria, cum recordaretur verborum illorum vs. 186. 187.

ἐνθεν δὲ πρὸς Ὁλυμπον ἀπὸ χθονὸς, ὥστε νόημα

εἰσὶ Λιός πρὸς δῶμα, θεῶν μεθ' ὅμηγνοιν ἄλλων

ea in Hesiodia descriptione redditurus satis inscite eam sic immutavit

61) Videmus eos fuisse in arca Cypseli, Paus. V. 18. 1. cf. O. Jahn arch. Aufz. p. 10. Novem Musae in amphora Françoisiana pompe deorum intersunt ad Pelei et Thetidis nuptias euntium. In posteriore quodam vasculo descripto ab O. Jahnio Beschr. No. 805 habemus novem Musas et in inferiore area Lapitharum et Centaurorum pugnam; quas qui ita compo-
nit, respexit sine dubio Hesiodiam descriptionem qualem nos legimus.

62) O. Jahn archiol. Aufs. p. 113.

εἰν δὲ τὴν ἀθανάτων ἱερὸς χορός· εἰν δὲ ἄρα μέσσῳ
ιμερόν εἰθάριζε Λιός καὶ Ἀητοῦς νιός
χονσείη φόρμιγγι· θεῶν δὲ ἔδος, ὑγνὸς Ὄλυμπος.
εἰν δὲ ἀγορῇ, περὶ δὲ ὅλβος ἀπείριτος ἐστεφάνωτο.

Divitiarum autem quae in Olympo essent cogitationem sumpsit ex hymn. Merc. 249; verborum autem illorum περὶ δὲ ὅλβος etc. simillima leguntur hymn. Ven. 120. Iam ex omnibus quae de hac imagine disputavimus apparuit nihil obstat quominus eam ab eodem poeta profectam esse credamus qui superiores duas Martis et Palladis imagines composuerit; in quibus omnibus animadvertis quae aequalem quattuor versuum ambitum (cf. adn. 53).

Imagine quae sequitur exhibetur portus cum delphinibus et piscibus, in cuius ripa piscator cum iaculo sedet (207–215). Quam videmus eadem quae in superioribus habuimus vestigia simplicioris illius describendi generis prae se ferre, formulas κλνζομένων ἵκελος, ἀποδρίψοντι ἐσικώς, deinde materias accurate indicatas; ubi tamen diversitatem aliquam habemus in eo consistentem quod augetur materiarum numerus; nam delphines argento, portus καστερῷ, pisces aere facti dicuntur, cum in superioribus aurum tantum et argentum nominatum invenerimus. Quare mihi hoc non e certae imaginis cogitatione fluxisse sed tantum eam ob causam prolatum esse videtur ut splendoris aliqua cogitatio augeretur. Certae deinde imagini neque quod pisces tremere dicuntur convenient neque epitheta illa εὐορμος et ἀμαιμάκετος. Accedit quod huiusmodi imaginem ex artis antiquae monumentis non habemus cognitam, cuius ipsum argumentum cum non e mythica historia sed e vita quotidiana sumptum sit ab eis rebus differt quae antiquissimo tempore plerumque ab artificibus fingebantur. Ad Homericae contra comparationis exemplum quae legitur II. XXI. 22 hanc imaginem et ipso arguento et singulis verbis expressam esse iam Rankius observavit,

ώς δὲ ὑπὸ δελφῖνος μεγακήτεος ἰχθύες ἄλλοι
φεύγοντες πιμπλᾶσι μυχοὺς λιμένος εὐόρμουν
δειδιύτες· μάλα γάρ τε κατεσθίει ὅν κε λαβησιν⁶³.

63) Verba εὐ δὲ λιμὴν εὐορμος praeterea leguntur Od. IV. 358. IX. 136. Deinde si revera versus illi e Titanomachia servati (Athen. VIII. p. 277 d)

Quamobrem hanc quoque descriptionem et generis similitudine cum tribus prioribus convenire, a Lapitharum pugna diversam esse dicendum videtur. — De cuius genuina forma plura mihi monenda restare videntur. Versus primum 209—212 cum aliis vitiis a Lehrsio monstratis laborant, tum molestissimis referti sunt repetitionibus (*χλυζομένῳ ἵκελος = νηζομένοις ἵκελοι, δελφῖνες 210 = 212, ἐθίνεον ἵχθυάντες = ἐφοίτων ἔλλοπας ἵχθυς*). Quamobrem Lehrsius hic duos tantum ab initio versus extitisse statuit, in quibus cum duplex ferretur lectio ἀργύρεοι δελφῖνες ἐθίνεον et δελφῖνες τῇ καὶ τῇ ἐθίνεον, ab inscito quodam homine cetera illa adderentur. Vbi tamen mihi videtur, cum in versu 212 codicum consensu firmetur lectio ἐφοίτων⁶⁴, quod de delphinibus multo aptius dicitur quam insolens illud ἐθίνεον⁶⁵, veri similius esse hanc fuisse horum versuum genuinam formam.

χλυζομένῳ ἵκελος πολλοί γε μὲν ἄμ μέσον αὐτοῦ ἀργύρεοι δελφῖνες ἐφοίτων ἵχθυάντες.

Tum vero admodum dubito de tribus postremis versibus 213—215. Nam primum in Homericā illa comparatione unde haec imago sumpta est, de piscatore nihil dictum est; quod potuit sane noster de suo addere. Deinde autem valde molesta est in his versibus pisium bis repēta commemoratio cum praecessisset ἵχθυάντες. Denique mihi vestigium superesse videtur unde haec verba imitatione expressa esse dicantur, multo illud quidem posterioris aetatis. Nam simillimum versui 215 initium habemus in Antiphaniis comici fragmēto⁶⁶, in quo hi versus leguntur

*Ἐν δ' αὐτῇ πλωτοὶ χρυσώπιδες ἵχθυες ἔλλοι
νήχοντες παῖξον δι' ὄδατος ἀμφόστοιο*

ad scuti descriptionem quae in eo carmine legeretur pertinebant (quae Welckeri est suspicio Ep. Cycl. II. p. 409. cf. Bergk de rēl. com. att. p. 257); similis argumenti imaginem ex ea sumere potuit noster.

64) Solus Diaconus habet *ἐροίων*, cuius nulla est auctoritas.

65) Invenitur haec vox nonnisi in carmine nostro, eis quidem locis qui alias ob causas postea additi habendi sunt (vs. 156. 257. 286). Hos ipsos locos respexisse videtur grammaticus ille qui Hesiodiam vocem illam dicit (Cramer. anecd. Oxon. p. 55), quō tamen ipse testatur se hanc vocem apud alios scriptores non invenisse. Eadem notionem Hesiodus voce *θύειν* exprimit (Theog. 873. Op. 619); Homerus *θύειν*.

66) Frgm. 109. Mein., ex Problemate comoedia servatum ab Athenaeo X. p. 450 C. Incipit aenigma illis verbis, quod Antiphanem nescio an iure suspiciamur ipsum antiquioris alicuius memoriae debere.

*ιχθίσιν ἀμφιβληστρον ἀνήρ πολλοῖς ἐπιβάλλων
οἰηθεῖς, μεγάλῃ δαπάνῃ μίαν εἰλκυσε πέροιη.*

Hanc in verbo haud admodum vulgari congruentiam casu accidisse nemo putaverit; ab Antiphane autem cum verba illa aptissime sint coniuncta cum ceteris, apud Hesiodum dativus *ιχθύσιν* molestissimus est et vix ferri potest. Haec igitur verba crediderim inserta esse ab aliquo multo posterioris aetatis poeta qui aenigmatis illius memor esset. Quae si recte disputavi, hanc quoque descriptionem apparelat quattuor versibus terminatam esse,

ἐνδὲ λιμὴν εὐορμος ἀμαιμακέτοι θαλάσσης

*πετεκυκλοτερῆς ἑτένυκτο πανέφθον κασσιτέροιο
κλυζομένῳ ἵκελος· πολλοί γε μὲν ἄμ μέσον αὐτοῦ
πάργυροι δελφῖνες ἐφοίτων ιχθυάστες*

itaque omnibus numeris tribus superioribus respondere. Videtur ergo in hisce iam consilium unius alicuius poetae patefactum esse qui seriem imaginum eodem describendi genere versuumque ambitu descriptarum exhibitus esset.

Venio ad omnium diiudicatu difficultissimam Persei festina nitis descriptionem, in qua mirum in modum permixta habemus diversissima describendi genera (vs. 216 sq.). In cuius maiore parte certa imago simpliciter et perspicue describitur, materia plene indicata (nam Perseus ipse auro factus gladium portat aeneum Medusamque in argentea pera aureis propendulis ornata) formulaque σπεύδοντι καὶ ἔργιοντι ἐσικώς vs. 228 adhibita. Ab hisce primum verba δ' ὡς τε νόημ' ἐποτάτο v. 222 discrepant, quae comparatio imagini non convenit; distant porro quaecunque vs. 229 sq. de Gorgonibus Perseum consequentibus dicuntur, quibus a descriptione ad narrationem transiri sentimus (ἐρρώντο, ίέμεναι μαπέειν) ornatam grande sonantibus epithetis ἅπλητος, οὐ φατὸς, cum de Gorgonum figura et amictu nihil proferatur, immo inserantur quae cum artis natura pugnant (vs. 232. 235). Maxime autem a ceterorum simplicitate abhorret mirum illud commentum quod 217—

219 de Perseo legitur

*οὗτ' ἦρ' ἐπιψαίων σάκεος ποσὶν οὐδ' ἐκάς αὐτοῦ,
θαῦμα μέγα φράσσασθαι, ἐπεὶ οὐδαμῇ ἐστήρικτο.*

Quae verba qui explicando ad artificii rationem referre conati sunt⁶⁷, poetae mentem mihi non intellexisse videntur, qui miracu-

67) Schlichtegrollius (p. 76) de figuris ut in opere anaglypho multum

lum proferre voluit ab humano artifice haud perficiendum; eam autem ipsam ob causam hic Vulcani mentio inicitur, qui in superioribus nusquam erat nominatus. Quo quidem luculentissimo utimur argumento, postea additos esse hos versus; cui praeterea accedit, quod eius poetae consilium, qui hos versus composuit, quibus voluit certe volitationis celeritatem aliquo modo exprimere, differt a ceterorum ratione, quibus apertum est voluisse poetam primum figuram Persei describere, tum vero demum de eius festinatione exponere v. 228. His igitur versibus, quos qui inseruisse videatur postea indicabo, resectis leni mutatione cursum orationis sic restituimus

ἐν δὲ ήν ἡγκόμον Δανάης τέκος, ἵπποτα Περσεύς,
χρύσεος· ἀμφὶ δὲ ποστὸν ἔχε πτερόεντα πέδιλα.

Ceterae illae difficultates priusquam removeantur, mihi quaerendum videtur de fonte huius descriptionis; quam cum magnam quidem partem severum illud genus prae se ferre appareat, iure nostro suspicamur ab artis operibus petitam esse. Perseum autem eo quo hic describitur habitu post imperfectam Medusam fugientem saepissime in veterimae artis monumentis conspicimus. Videmus eum in vasculi Vulceis reperti⁶⁸ imagine nigro colore picta talaribus, stricta veste et orci galea indutum, κιβισιν et ἄροτρη manibus tenentem et extensis pedibus fugientem; praeterea Medusam abscisso capite in terram projectam, denique Palladem cum aegide gladioque. Prorsus eodem modo repraesentatus est in eis imaginibus in quibus Gorgones cum persecuntur. Huc pertinet vasculi antiquissimi temporis⁶⁹ imago, in qua Perseum manibus pedibusque extensis fugientem et κιβισιν in tergo ferentem sequitur primum Mercurius ipse festinans, deinde Gorgones duae horrenda facie, strictis vestibus induitae alisque praeditae quantumque possunt festinantes; postremo videmus ipsam Medusam in terra iacentem cum Pegasi capite. Eiusdem generis vasculi imaginem Gerhardus publici iuris fecit⁷⁰, in qua Perseus eodem corporis habitu, pelle, alatis talantibus dicta putavit; Hermannus Perseum clavo scuto affixum cogitari voluit (ut Aesch. Sept. 547); Müllerus miram tantum perspicuitatem imaginis exprimi. Quibus omnibus verba οὐδαμὴ ἐστήριξτο et θαῦμα μέγα φράσσωσθαι obstarre unusquisque videt.

68) Publici iuris facti ab Levezovio, Entwicklung des Gorgonenideals Fig. 23. p. 57. Cf. O. Jahn Beschr. No. 1187.

69) Levezow Gorgonenideal Fig. 24 p. 60.

70) Gerhard auserl. Vasenb. II tab. 88. O. Jahn Beschr. No. 610.

ribus et orci galea indutus per amque in tergo ferens per aërem
avolat, secuntur autem eum duae Gorgones prioribus illis prorsus
similes; adsunt praeterea Minerva, Mercurius et imperfectae Medu-
sae corpus. Hanc autem imaginem frequentem fuisse antiquissima
aetate eo videmus quod etiam in arca Cypseli facta erat ⁷¹. In
omnibus autem quas commemoravi imaginibus non prorsus aequalis
argumenti eandem semper habuimus figuram Persei manus pedes-
que eodem modo extendentis, deinde peram quidem et orci galeam
ubique ferentis et plerumque etiam alatis talaribus instructi, harpen
autem raro manibus tenentis ⁷². Quibus adducimur ut persuadea-
mus nobis de aliquo fugientis Persei figurae quasi archetypo opere
omnibus illis rebus instructae quae imaginibus illis communia essent.
Talis autem operis inde quoque testimonium accipimus quod a plu-
ribus scimus Perseum hoc modo fictum esse solum sine additis aliis
figuris. Fecerat enim eum primum Pythagoras Reginus ⁷³, deinde
Myron ⁷⁴; quorum opera plures posterioris aetatis artifices imitati
esse videntur ⁷⁵. Cum hac igitur imagine appareret Hesiodiam
descriptionem tantopere convenire ut non possit non ex eius noti-
tia fluxisse; nam etiam hic habemus festinantem Perseum omnibus
illis rebus praeditum quas in operibus illis habuimus. Quo cognito
certius iam poterit iudicari de eis descriptionis nostrae partibus,
quas imaginis rationi haud convenire vidimus; quarum primum
accuratius consideremus postremam partem; qua Gorgones descri-
buntur. Vidimus sane, Gorgones Perseum per sequentes saepe ab
artificibus repraesentatas esse; unde aliquis versus illos apud He-
siodium non esse sollicitandos existimaverit. Imaginem autem ab
artis operibus sumptam esse, hoc non ex eo solo cognoscitur quod

71) Pausan. V. 18. 1. „αἱ δὲ ὁδελφαι Μέδουσαι ἔχουσαι πιερὰ Περ-
σέα εἰσὶ διώζουσαι. τὸ δὲ ὄνομα ἐπὶ τῷ Περσεῖ γέγραπται μόνῳ.“

72) Cf. Apollod. II. 4. et schol. Ap. Rh. IV. 1091. 1515. quorum auctor
est Pherecydes.

73) Dio Chrys. 37, 10.

74) Pausan. I. 23. 8 „καὶ Μύρωνος Περσέα τὸ ἐς Μέδουσαν ἔργον
εἰργασμένον,“ quae verba sic tantum explicari possunt, ut secum portasse
illum credamus Medusae caput et festinanter aufugisse; nam alioquin illud
non potuit agnosci, quod dicitur perpetrasse facinus istud.

75) Conspexerat talem imaginem Euripides, Electr. 458. Quam vide-
mus porro in nummis (Cadavène Recueil pl. 4, 27) et speculis Etruscis
(Gerhard etrusk. Sp. II. 121. 123).

inveniuntur eiusmodi opera, sed describendi genus eis respondere oportet; quod quidem hoc loco tam diversum esse a superioribus apparuit ut haec ab eodem poeta profecta esse non potuerint. Immo ne conveniunt quidem quae de Gorgonibus dicuntur cum operibus illis; nam cum expectemus de festinatione et amictu Gorgonum similiter ut de Perseo aliquid dici, nihil eiusmodi legimus, nisi huc pertinere dixeris versum 233, in quo Gorgones in zonis habere dracones dicuntur; sed hoc ipsum in artis operibus nusquam conspicitur. Deinde extitisse imagines in quibus Perseus solus representatus esset cum aliunde tum ex ipsis illis amplioris ambitus imaginibus cognovimus. Sed praeter describendi generis diversitatem accedunt ex ipsis verbis sumpta vestigia, quibus cognoscamus quomodo haec postea inserta sint⁷⁶. Nam si hos ipsos versus accuratius consideramus

228 αὐτὸς δὲ σπεύδοντι καὶ ἐργίοντι ἐσκώς

Περσεὺς Δαναΐδης ἐπιτάινετο. ταὶ δὲ μετ' αὐτὸν

Γοργόνες ἀπλητοί τε καὶ οὐ φατοὶ ἐργάσοντο

facile sentimus ea quae versus 229 initio leguntur prorsus esse superflua; nam Persei et nomen et stirps iam supra prolata erant; praeterea vocis Δαναΐδης prima syllaba non recte producitur. Haec igitur sine dubio eam ob causam inserta sunt ut sequentia cum superioribus coniungerentur, quorum antea diversa fuerat ratio; ipsam autem Persei descriptionem antea versu 228 finitam fuisse censeo; id

76) Afferrem hic etiam vocis ἀπλητος posteriori poesi non convenientem notionem, nisi scirem omnia in quibus de tempore carminis quaereretur incerta esse. Breviter tamen hoc loco significabo quid mihi de hac voce statuendum videatur. Atque duarum formarum ἀπλαστος (= ἀπληστος) et ἀπλητος (= ἀπλατος) eam antiquiore tempore videmus esse rationem, ut prior illa a πελάζω derivata habeatur (Hes. theog. 151. 153. Op. 148) altera vero cum ἀπλήσιος notione conveniat (Theog. 315. 709. Hymn. Cer. 83. Simon. fragm. de mul. 34). Posteriore aetate prorsus inversam esse rationem et ἀπληστος eum significare videmus qui satiari nequeat (Theogn. 109. Aesch. Ag. 102. Soph. El. 1328) ἀπλητος autem sive ἀπλατος eum ad quem nemo accedere audeat (Pind. Pyth. I. 21. XII. 9. Aesch. Prom. 371. Soph. Ai. 259. Trach. 1093, unde fluxit Hesychii interpretatio ἀπλόσιος). Hac igitur notione quater in carmine nostro adhibitum legimus, vs. 147. 230. 250. 268. Erravit autem Mützelli, cum de emend. theog. p. 54 sq. ἀπλητος apud antiquiores utraque notione adhibitum inveniri diceret, exemplis usus theog. v. 153, ubi optimi codices habent ἀπλαστος, et scuti locis illis suapte natura incertis.

quod eo etiam confirmatur quod formulae illae ἐοικώσ^ε voce terminatae semper in fine sententiae leguntur⁷⁷. In hoc autem primum desideratur verbum finitum, praeterea verba αὐτὸς δὲ satis sunt superflua, ac ne prorsus quidem recta; nam si haec revera ita coniungenda fuissent αὐτὸς μὲν requiri Lehrsius recte censuit. Itaque non longe a vero aberrabimus si versum ab initio talem fuisse statuimus
ἐπτατο δὲ⁷⁸ σπεύδοντι καὶ ἐργίοντι ἐοικώσ.

Iam restat ut de tota priore descriptionis parte quaeramus. In qua iam supra vidimus verba ὁ δ' ὥστε νόημ' ἐποτάτο huius imaginis rationi haud convenire; quae eam praeterea ob causam sic ut leguntur offensionem praebent, quia inconcinne Persei amictus descriptioni iam nunc inseritur festinationis commemoration, quae repetitur vs. 228. Accedit quod primum talarium (220) materia non indicatur, deinde contra imaginum quas comparavimus rationem ensem circa humerum ferre dicitur Perseus, quod in operum illorum nullo habuimus. Videmus igitur poetam in priore descriptionis parte non certam imaginis formam tenere; quae profecto memorabilis est describendi generis discrepancia. Deinde adspicias quoeso quam miris ambagibus versibus 223—225 Perseus narretur Medusae caput auferre. Integro enim versu de capite quod non conspicitur exponit; quod cum dicere vult in pera fuisse reconditum, artificiose hoc ita exprimit peram illud circumdidisse, ἀμφὶ δέ μιν κίβισις θέε. Quibus omnibus accedit incommodo in his versibus saepius repetita praepositio ἀμφὶ (περὶ), vs. 220. 221. 224. 226. Quae cum bis eodem versus loco reperiatur, vs. 220. χρίσεος· ἀμφὶ δὲ et vs. 224. Γοργοῦς· ἀμφὶ δέ μιν, certissimum mihi hinc petendum videtur duplicis recensionis vestigium, quo facto omnes istae dubitationes evanescunt. Priorem igitur hos versus continuisse existimo

ἐν δ' ἦν ἡγκόμον Δανάης τέκος, ἵπποτα Περσεύς,
χρύσεος· ἀμφὶ δὲ ποσσὶν ἔχε πτερόεντα πέδιλα
ἄμοισιν δέ μιν ἀμφὶ μελάνδετον ἀορ ἔκειτο
χάλκεον ἐκ τελαμῶνος· ὁ δ' ὥστε νόημ' ἐποτάτο.

in qua iam vides festinationis commemorationem apte in fine esse collocatam; ipsius autem descriptionis eam esse naturam ut neque

77) Cf. vs. 206. 209. 215. 314. Theocr. I. 41. Apoll. Rh. I. 739. 764.

78) Hanc vocem si propter v. 222 non bene excogitatum putaveris, videbis contra illo quidem versu mirum in modum confirmari.

certae imaginis formam neque omnino artificii rationem severe teneret. Et hac autem re et quattuor versum ambitu eam accedere cognosces ad priorum imaginum summam similitudinem; quibus quin ab eodem poeta addita sit spero fore ut non dubites. Quod quidem ipsa comparatione illa ὥστε νόημα adiuvari videbis; ea enim ipsa verbum in hymni ad Apollinem loco illo leguntur unde deorum chorū descriptionem fluxisse vidimus. Cogitavit autem Perseum sine dubio ad Medusam festinantem ut eam interficeret. — Huius igitur descriptionis loco copiosior paulo et ad artis monumentorum similitudinem conformata substituebatur haece

ἐν δ' ἦν ἡγεμόνος Δανάης τέκος, ἵπποτα Περσεύς,
χρύσεος· ἀμφὶ δέ μιν κίβισις θέε, θαῦμα ἰδέοθαι,
ἀργυρέη· θύσανοι δὲ κατήωρεῦντο φαεινοί⁷⁹
χρυσεῖοι⁸⁰. δεινὴ δὲ περὶ κροτάφοισιν ἄνακτος
νεῦτ⁸¹ Λιδὸς κυρέη νυκτὸς ζόφον αἰνὸν ἔχονσα.

ἔπτατο δὲ σπεύδοντι καὶ ἐδόγοντι εὐκάστη.

Aptissime iam vides de ipso Perseo, cuius tergum pera circumdat, verba dici ἀμφὶ δέ μιν κίβισις θέε⁸⁰; ensem autem et alata talaria haud aegre desiderabis, quae in pluribus imaginum illarum non habuimus; Medusae denique nomen quae non conspicitur recte omittitur. Hae igitur descriptiones postea versu 223 inserto coniungebantur; quem unde sibi conformaverit consarcinator ille, infra videbimus luculentum vestigium inveniri⁸¹.

Quinque igitur imaginum seriem accepimus ita inter se convenientium, ut eas ab uno poeta projectas habere nemo dubitaturus sit, Martem, Palladem, deorum chorū, portum et Perseum; quae et describendi genere inter se congruunt et aequali singulæ quattuor versum ambitu describuntur. Hisce autem praecedentes duas et inter se et a sequentibus diversissimas esse cognovimus; de quarum ratione postea exponetur. Nunc enim primum de earum imaginum serie quaeram, quae Persei descriptioni additae leguntur; quae quantopere ab omnibus superioribus diversae sint quamquam

79) Haec verba videri possunt Homeri imitatione orta esse, II. II. 448.
τῆς ἐπατὸν θύσανοι παγχρύσειν ἡερέθονται.

80) Guietus iam voluerat pronomen *μιν* de Perseo accipi; quod quidem sic quomodo haec vulgo coniuncta leguntur fieri non posse appetet.

81) Mirum de his verbis extat testimonium in additamento quodam ad Apollodori II. 4. 2. adscripto, quo et Pindaro et Hesiodo tribuuntur; nisi forte verba illa corrupta sunt.

puto a Lehrsio satis luculenter demonstratum esse, tamen qua ratione insertae illae et qua via paulatim auctae sint videtur mihi paulo certius definiri posse.

Duarum igitur urbium ex Homericā scuti Achillis descriptione sumptarum primum alteram voluptatibus diversi generis splendentem (270—313), quae apud Homerum prima est (Il. XVIII. 491—508), considerabo. Atque duarum rerum quas Homerūs in ea accidere narrat, nuptiarum et litis civium, priorem solam videmus nostrum imitatione expressisse v. 272—280, ipsis plerisque verbis ex Homero petitis, ἥγοντο 274 = ἥγινεον Hom. 493, αἰθομένων δαΐδων 275 = δαΐδων ὑπὸ λαμπόμενάων 492, πολὺς δ' ὑμέναιος ὁρώρει 274 = H. 493, deinde vs. 277 sq.

τοῖσιν δὲ χοροὶ παιζοντες ἐποντο.

τοὶ μὲν ὑπὸ λιγνῶν συρίγγων ἔεσσαν αὐδην,

[ἕξ ἀπαλῶν στομάτων, περὶ δέ σφισιν ἄγνυτο ἡχώ.]

αἱ δὲ ὑπὸ φορμίγγων ἄναγον χορὸν ἴμερόεντα.

conformatis ad exemplum Homericorum vs. 494

κοῦροι δὲ ὀρχηστῆρες ἐδίνεον, ἐν δὲ ἄρα τοῖσιν

αὐλοὶ φόρμυγγές τε βοήν ἔχον.

Addita deinde brevi comissionis descriptione (281—283) non ex Homero petita transit poeta ad enarranda ea quae ante urbis portas accidunt, ipso consilio ab Homero alieno; in quibus primum equitatum commemorat v. 285; deinde breviter reddit Homericas segetis, messis et vindemiae imagines 287—300, quarum unaquaque apud illum propriam imaginem efficit (541—549, 550—560, 561—572), ubi rursus singulas voces illinc petiit, ἀροτῆρες 286 = 542, βαθὺ λήιον 288 = 550, ἥμων αἰχμῆς ὀξείῃσι 288. 289 = ἥμων ὀξείας δρέπανας, ἐν κεροσὶν ἔχοντες (= Hes. 292.) 551⁸², ἐν ἐλλεδάνοισι δέον 291 = 553, ἐτρύγων 292 = τρυγόφεν 566, ἐν ταλαροῖς ἐφόρεν 293 = πλεκτοῖς ἐν ταλαροῖσι φέρον 562, μέλανες, βάτραις 294 = 562, ἀργύρεαι κάμακες 298 = 563, βοιθόμενος σταφυλῆσι 295 = σταφυλῆσι βρίθονσαν ἀλωήρ 561. Quibus peractis adicit pugilatum et luctationem 301, venationem 302—304, denique curruum certamen 305—313, quorum omnium nihil apud Homerum legimus. — Haec vero omnia non ab uno homine esse

82) Videmus non prorsus firma memoria poetam illa imitatum esse, qui haud perspicue distingueret, quae apud Homerum ad diversas imagines pertinerent.

conscripta, cum e mira illa rerum diversissimarum coacervatione partim ab Homero sumptarum partim ex ipsius poetae ingenio profectarum, tum vero eo recte affirmamus quod maxima cum obscuritate et neglegentia haec omnia coniuncta sunt. Atque in eis primum quae extra urbem fiant tria maxime reprehendenda esse Lehrsius rectissime intellexit; primum quod haec omnia, quae inter se maximopere sint dixera, tam diverso singula verborum ambitu describantur; deinde quod non sint coniuncta quae ipsius rei similitudo coniuncta esse postulaverit; postremo quod nusquam fere singularum partium termini pro certo dignoscantur. Haec duo quae postremo loco posui in eis maxime locum habere apparet, quae ad agriculturam pertinent. Hisce enim primum divelluntur equitas 285, pugilatus et luctatio 301, quae inter se similia sunt; tum vero in illis potissimum singularum rerum terminos haud certo dignosci dicere possumus (cf. 288. 292); quibus accedit quod agriculturae descriptio ipsa ab Homero sumpta eis inserta legitur quae ab Homero aliena sunt. Ipsam nunc verborum coniunctionem si adspicimus, videmus agriculturae descriptionem sine ullo sententiae aut constructionis dispendio eximi posse; cuius rei tam certa verbis insunt vestigia ut cum istis offensionibus quas antea exprompsi coniuncta nihil dubitationis relinquant. Verba enim quibus certamina continuantur *οἱ δὲ ἐμάχοντο* 301 eodem versus loco leguntur quo ea quibus agricultura incipit, *οἱ δὲ ἀροτῆρες* 286; illa vero quae versus 301 initio leguntur *οἱ γε μὲν ἐπόπεον, τοὶ δὲ ἥρων* neque Homeri exemplo orta sunt et vindemiae descriptionem incommode augent diverso ab illa negotio. Quamobrem nullus dubito quin omnibus istis antea omissis haec fuerit genuina verborum coniunctio

285 { νῶθοι ἵππων ἐπιβάντες ἐθύγεον. οἱ δὲ ἐμάχοντο
 301 πῦξ τε καὶ ἐλκηδόν.

quorum loco aliis Homericam illam agriculturae descriptionem recitaverit versu aut 295 aut 298 (seu 300) finitam⁸³. — Sed ne

83) Trium enim hic recensionum vestigia Dindorfius (adnot. ad h. 1.) detexit, primam vs. 293—295, alteram eorum loco vs. 296—298, tertiam pro 298 vs. 300 exhibentem (vs. 299 ab optimis codicibus abest); quarum altera id agi videtur ut proferatur aliquid quod ad artificium spectet; indicatur enim materia et Vulcanus scuti artifex nominatur. — Sed praeterea in hac agriculturae descriptione versum 290

ea quidem quae iam ex eorum numero quae extra urbem fieri dicuntur ut genuina retinimus ita comparata sunt ut ea sic ab anno homine exhibita esse credere possimus. In quibus summo cum iure Lehrsius diversum verborum ambitum notavit; nam cum primum equitatu, deinde pugilatu et luctatione vix singuli versus expleantur, curruum certamen novem integris versibus describitur. Cuius argumenti vis eo non infirmatur, quod hanc descriptionem ab initio breviorem fuisse pro certo cognosci potest. Nam si describendi generum discrimen illud in ea adhibemus, invenimus quae sibi prorsus sint contraria; cum in prioribus versibus certae imaginis cogitationem prorsus omitti orationemque ad concitatam propemodum narrationem accedere videamus (308, 309) ubi curruum rotas sonasse adeo poeta dicit contra imaginis naturam (309), contra postremis versibus artificii cogitationem retineamus materia indicata et Vulcano nominato. Quibus cum primum vocis ἄεθλον (305, 311) deinde maxime incommoda verborum ἔχον πόνον (305, 310) repetitio accedat, pro certo mihi effici videtur duplēcēm hic recensionem huius imaginis coniunctam esse utramque eodem versu incipientem, alteram versibus 305—309 comprehensam,

305 πὰρ δ' αὐτοῖς ἵππης ἔχον πόνον, ἀμφὶ δ' ἄεθλοις
δῆριν ἔχον καὶ μόχθον etc.

alteram versibus 310—313⁸⁴,

πὰρ δ' αὐτοῖς ἵππης ἔχον πόνον, οὐδέ ποτέ σφι
νίκη ἐπηνίσθη, ἀλλ' ἄποιτον εἶχον ἄεθλον.
τοῦτο δὲ καὶ προύκειτο μέγας τούτος ἔντος ἀγῶνος,
χριστεῖος, κλυτὰ ἔργα περίφρονος Ἡφαίστου

quae cum coniungerentur, inserebantur quae versus 310 initio leguntur, in quibus primum ἀΐδιος vocabulum epicis poetis non esse usitatum observavit Hermannus, deinde molestissime contra metrum

βριθόμενα σταχύων, ᾧσεὶ Ἀημήτεος ἄκτην

plures ob causas suspectum habeo. Cuius prior pars ad versūs 295 sive 300 similitudinem confecta est: in altera vero verbum ᾧσεὶ sensum non habet, quo apparet voluisse aliquem imitari formulas illas imaginis rationem significantes, quarum tamen vim non perspiceret. Ἀημήτεος ἄκτη sumptum ex Op. 461.

84) Hanc autem ab eodem homine profectam existimo, eodemque consilio conscriptam, quo alteram vindemiae recensionem (296—298), ubi versus 297 et 313 inter se simillimos esse videbis.

peccatur⁸⁵. Hanc autem curruum certaminis descriptionem etiam sic ut fecimus in brevius contractam et versuum ambitu et ipsa describendi ratione a prioribus illis certaminibus distare vides; ea enim verbo tantum commemorantur, curruum autem certamen copiose describitur. Quibus accedit primum, quod his certaminibus, quae cum inter se similia essent coniuncta esse debabant, non concinne interponitur venatio, quae ferri posset in fine posita; deinde quod vel similiora inter se erant equitatus (285) et curruum certamen (*ιππῆς*) quam quae ab uno poeta quasi diversa in una imagine exhiberentur⁸⁶. Quibus omnibus mihi effici videtur, priora

85) Nam plurimi codices exhibent of 'μὲν ἄρ' ἀτίθιον ἔχον πόνον, nonnulli εἰχον, cum in solo Mediceo 3. Goettl. (Flor. B. Lenn.) inserta particula δὴ legatur. Codex autem ille quamvis omnium qui carmen nostrum servarint antiquissimus sit, haud tamen dici potest sincerius quam ceteri genuinae lectionis testimonium praebere; cuius scribam cognoscere licet pluribus locis poetae verba suo ipsius arbitrio, plerumque metrorum restituendorum causa, immutasse. Huc pertinent verborum transpositiones Λητοῦς καὶ Λιὸς νέος v. 202 et ἐπὶ δεινοῖσιν δὲ καργύραις v. 236, quorum causam facile cognoscimus; tum verba ὅτε περ v. 397, cum in libris traderetur ὅτε, veram autem lectionem ὅτε τε firmatam versu II. II. 471. praebeat Etym. M. p. 465, 38; plures denique Theogoniae loci, maxime v. 32 ὄφρα κλύοιμι pro ῥυα κλύοιμι, corrupto ex ἵνα κλέοιμι. Horum igitur numero etiam δὴ illud v. 310 adscribendum est, quod metri restituendi causa inseruit huius codicis scriptor. De quo codice pauca addam. Duarum enim scuti codicum familiarum quas recte distinxit Rankius p. 322 sq. cum prima (cui praeter Rankianos libros e Lennepianis adnumerandus est Flor. C = Med. 1 Goettl.) nonnullis locis ita convenit Med. 3. ut cum illorum exemplo archetypo communem fontem habuisse dicendus sit. Communes enim ei sunt cum illis depravationes πόλης pro πόλησ v. 105, omissa νν particula v. 116, διαπραθέειν pro πραθέειν v. 210, δονέοντο pro ἐκλονέοντο v. 357, maxime autem memorabilis ἐερσήν pro ἀοιδήν Theog. 83. (cf. Mützell. p. 386) etc., propriae autem ipsi sunt corruptelae velut φεύξασθαι pro φεύξεσθαι v. 112, Πιερήδες pro Πιερόδες v. 206, ἐλάειν pro ἐλέειν 337, omissus vs. 378, omissum δεινόν verbum 438.

86) Hoc etiam confidentius contendere ausim, si recte suspicer poematum tribus istis prioribus recordatum esse certaminum illorum quae Homerus II. XXIII. 262 sq. in Patrocli honorem celebrata esse narrat, quorum prima sunt curruum certamen (*ἱππεῦσιν ποδῶνεσιν* 262), πυγμαχή (653) et παλαισμοσύνη (700); quam respexisse nostrum prodire videtur e voce ἐλκηδόν, cf. ἐλκόμενα II. 23. 715. Tum enim si pro curruum certamine nostre equitatum substituit, certe non poterat praeterea curruum certamen addere.

illa certamina et curruum certamen non ab eodem poeta profecta esse. Quod quomodo accuratius explicandum videatur, postea indicabo. Nam sic quoque multum mihi abesse videtur, quominus huius imaginis pristina forma restituta sit. In cuius priore parte in ipsis verbis apertissima conspiciuntur interpolationis vestigia ab Hermanno monstrata; qui mihi tamen ipse in restituendo genuino versuum ordine haud feliciter versatus esse videtur. Qui cum ferri non posse iudicaret primum repetitum πρόσθιον ἔκιον 278. 284., deinde similia verba ἀγλαῖαις τε χοροῖς τε v. 272. et θαλίαις τε χοροῖς τε ἀγλαῖαι τε 284., postremo simillimos inter se versus 282. 283.

τοὶ γε μὲν αὐδὶ παιζοντες ὑπ' ὀρχηθμῷ καὶ δοιδῇ,
 τοὶ γε μὲν αὐδὶ γελθόντες ὑπ' αὐλητῆρι ἔκαστος
 triplicem hic recensionem cognosci arbitratus est, quarum prima
 versus 270—281 et 292 sq. continuisset; ubi tamen primum vs. 281
 haud apte nuptiis additur, cuius diversa est notio, deinde agriculturae
 descriptio ab Homero petita divellitur. Alteram recensionem
 comprehendisse putat vs. 270-274 omissis verbis τοὶ δ' ἄνδρες — ἔχον
 mutatisque τοὶ μὲν γὰρ in τοὶ δ' ἔνδον, quae responderent versui
 285, deinde vs. 282 et 284—291. Sic vero divellitur nuptiarum
 descriptio, quam credi convenit unum poetam ab Homero totam
 recepisse. Tertiam denique constitisse voluit versibus 270—274,
 283 et 287 sq., ubi ne saltatio omitteretur, ἥρεικον in πέπληγον
 mutandum esset; quam quidem minime omnium ferri posse puto;
 ea enim quae secuntur appareat nullo modo posse ad saltationem
 pertinere; deinde sic quoque agriculturae initium obscuratur. —
 Mihi ut de his recte iudicetur hic quoque distinguenda esse videntur
 quae ab Homero petita sint, quae non sint; in his enim certissime
 plurium poetarum consilium perspicitur. Totum autem illud
 consilium addendorum talium quae extra urbem fierent vidimus ab
 Homero alienum esse; neque cum imaginis cogitatione (nisi eam
 ingentis magnitudinis fuisse arbitramur) apte conciliari posse videtur,
 quod in ipsa urbe nuptiae celebrantur, ante portas autem eius di-
 versi generis oblectationes conspiciuntur. Nunc vero ipsa eorum quae
 extra urbem siant descriptio verbis πρόσθιον ἔκιον e versu 277 re-
 petitis introducitur, eis autem adduntur verba illa θαλίαι τε χο-
 ροῖ τε versui 272 simillima, quibus praeterea breviter comprehendi
 videntur quae 277—280 de saltatione dicta erant. Quibus rebus
 certissime mihi cognosci videtur duplex recensio. Prima enim ea-

que genuina nuptiae tantum describebantur usque ad versum 280⁸⁷, eorum autem quae extra urbem fierent nihil legebatur; altera vero saltatio (277 – 280) omittebatur sive potius brevissime comprehen-debatur (284), continuo autem post vs. 276 quae extra urbem fie-rent describebantur hoc modo

276 χερσὶν ἐνὶ δμωῶν. ταὶ δ' ἀγλαῖη τεθαλνῖαι

284 πρόσθ' ἔκιον· πᾶσαν δὲ πόλιν θαλίαι τε χοροί τε
ἀγλαῖαι τ' εἶχον. τοὶ δ' αὖ προπάροιθε πόληος etc.

Hae vero recensiones cum postea coniungerentur, ne alterum πρόσθ' ἔκιον sine coniunctione prioribus adderetur, insertam esse puto brevem illam comissionis descriptionem vs. 281 sq.⁸⁸, quam haud commode cogitaveris in ipsa iam priore recensione, in qua omnia ab Homero sumpta erant, additam esse; quod cum argu-menti diversitate, tum etiam nimis diverso versuum numero mihi confirmari videtur⁸⁹. — Genuinam igitur e tota hac imagine non-nisi nuptiarum descriptionem ab Homero petitam retinuimus.

Itaque iam ad praecedentem imaginem pergamus, qua pugna de ob si den da ur be describitur vs. 236 – 270. Hic quoque prae-ter cetera ea secernenda erunt quae ad Homericorum verborum imitationem (Il. XVIII. 509 – 540) expressa sint. Versibus primum 237 – 240 breviter comprehendi videri possunt quae apud Homerum multo copiosius narrantur, quamquam neque re neque verbis omni ex parte cum eis convenient (comparare tantum possis πραθέειν 240 cum διαπραθέειν Il. 18. 511). Quae deinde vs. 241 – 248 de mulieribus in turribus clamantibus senibusque extra portas precan-tibus exponuntur, his ea redduntur quae Homerus duobus versibus 514. 515. protulerat

87) In quibus tamen de v. 278 ἐξ ἀπάλων στομάτων, περὶ δὲ σφιστιν ἄγνυτο ηχώ admodum dubito. Nam mollia ora illa quid sibi velint nemo dicat; echus significatio imaginis naturae non convenit, verba autem sumpta e versu 348.

88) In qua versus 283 sine dubio postea additus est habendus; nam primum τοι γε μήν αὖ verbis oppositio fieri nequit, deinde verba ὡν' αὐ-λητῆρι ἔκαστος prorsus sunt superflua cum totus comus ὡν' αὐλοῦ celebre-tor v. 281.

89) Comissionum morem ad posteriorem aetatem esse referendum observavit Heinrichius p. LIX. Unde tamen certi nihil colligi posse apparet, quod nobis alicuius momenti sit.

τεῖχος μέν δ' ἄλοχοί τε φίλαι καὶ νήπια τέκνα
ὅνται ἐφεσταότες, μετὰ δ' ἀνέρες οὓς ἔχε γῆρας.

Omnium denique quae vs. 248—270 de numinibus in pugna praesentibus dicuntur, nihil apud Homerum invenitur, qui tantum vs. 535—538 de una Kere in pugna versante loquitur; unde sane consilium describendarum Kerum sumpsisse videri potest noster; sed prorsus diversa ratione ipsisque verbis diversis hanc rem persequitur. Huic tantum verba 252—254

δὸν δὲ πρῶτον μεμάποιεν
κείμενον ἢ πίπτοντα νεούτατον, ἀμφὶ μὲν αὐτῷ
βάλλ' ὄνυχας μεγάλους, ψυχὴ δ' Ἀϊδόσδε κατήσι⁹⁰

obstare videntur, quae et argumento ipso et voce νεούτατον ad Homericorum versuum exemplum conformata esse videntur. Concurrunt autem in his versibus complura quibus gravissime offendamus; primum verbum βάλλ' v. 254 singulari numero exhibitum; ubi posses Hermanni explicationem, unam Kerem mutata constructione intellegi, sequi, nisi molestissimus tum rursus in sequentibus versibus sequeretur pluralis numerus. Lehrsius singulari numero hoc significari suspicabatur, singulas Keres singulos sibi viros arripuisse; quod vereor ut omissa ἐκάστη aut simili vocabulo dici potuerit. Tum vero in versibus illis πίπτοντα vocabulum non commode repetitur post πιπτόντων 251. Quibus cum accedat, verba Τάρταρον ἐς κρονόενθ⁹¹ 255 primum antiquiori aetati non convenire (Tartarus enim pro Hade simpliciter adhiberi non poterat) ⁹¹, deinde etsi possent ferri, prorsus tamen supervacanea esse post verba ψυχὴ δ' Ἀϊδόσδε κατήσι, quae formula apud Homerum usitatissima semper in fine sententiae legitur: certissime mihi hoc loco duplex recensio cognosci videtur; atque genuina quidem verborum coniunctio omissis illis quae ab Homero sumpta sunt haec fuisse

πᾶσαι δ' ἄρ' ἵεντο
αἷμα μέλαν πιέειν· αἱ δὲ φρένας εὗτ' ἀρέσαντο
αἵματος ἀνδρομέον, τὸν μὲν ὁίπτασκον ὀπίσσω,
ἄψ δ' ὅμαδον καὶ μῶλον ἐθύγεον αὐτὶς λοῦσαι.

ubi commode restitutum vides concinnum actionis decursum, in quo

90) Sic enim (aut κατήσι) sine dubio reponendum pro inaudito illo κατεῖεν, nisi malis Hermannum sequi scribentem ψυχὴν δ' Ἀϊδόσδε καθίει. ψυχὴν enim multi codices exhibent.

91) Heinrich praef. p. LIX. Goetting. ad h. l.

tantum de sanguine bibendo dicatur; horum autem loco ab alio quodam Homerum imitatuero haec substituta esse

πᾶσαι δ' ἄροι τέντο

*αἵμα μέλαν πιέειν· ὃν δὲ πρωτόν γε μεμάρποι
κείμενον ἢ πίποντα νεούτατον, ἀμφὶ μὲν αὐτῷ
βάλλ' ὄνυχας μεγάλους, ψυχὴ δ' Αἰδόςδε κατήει.*

ubi γε μεμάρποι pro μεμάρποιεν non omni ex parte mea conjectura scripsi, sed codicum vestigiis insistens, quorum consensus ostendit in codice nostrorum archetypo fuisse μεμάρποιεν⁹². Singularem autem numerum posuit Homerum secutus qui de una tantum Kere narraverat. — Iam videmus totam hanc descriptionem in duas partes dividi, priorem et minorem ad Homeri exemplum expressam, alteram et maiorem ab Homero alienam, qua de belli numinibus agitur. Hanc vero ipsam sic ut legitur ab uno poeta non esse profectam mihi persuasum est. Numinum enim illorum, Kerum (248—257) Parcarum (258—263) et *ἄχλυος* (264—270) etsi non prorsus eadem sit significatio, in universum tamen inter se convenient eo quod mortem significant quem homines in pugna patientur; atque Keres quidem mortem violentam hominibus inferunt; Parcae cum de omnibus hominum sortibus tum etiam de morte eorum decernunt, de qua paulo sane insolentius poeta dimicantes eas inducit⁹³; Achlye denique, quae propria est nostro nec usquam alibi ita adhibita est, id potissimum agi videtur ut occisi alicuius et in terram prostrati externa facies quam foedissime describatur⁹⁴. Haec

92) Videtur μεμάρποιεν, si Goettingii silentio fides est, in solo Med. 3., de quo supra dixi, extare; quae forma omnino prorsus inaudita est, cf. vs. 245 μέμαρπεν, Op. 206. μεμαρπώς. Tantum ubi reduplicatio omittitur, e litteram omissam videmus, μαρέειν 231., cf. adverbium ἐμμαρπέως 442. Triclinius etiam legisse se testatur μεμάρποιεν, cum in codice suo Ven. 2. metri restituendi gratia scripserit μάρποιεν.

93) Versus 261—263 plurimi interpretum de Keribus dici putaverant; quibus cum tamen prorsus diversa pugnandi ratio quam in superioribus describeretur, Lehrsius hic duplarem recensionem statui posse suspicatus est, quarum altera (252 sq.) singulae Keres singulos sibi viros arriperent (censuit hoc propter βάλλι verbum, de quo nobis aliter iudicandum visum est) altera (261 sq.) omnes de uno dimicarent. Huius postremae recensionis quae fuerit genuina forma vix sine artificiis assequaris. Neque Kerum notioni conveniret ut de uno viro dimicarent, quod tamen e Parcarum propria natura prodit. Quodsi quis putaverit non apte Parcas secum pugnantes cogitari, meminerit omnino ab aliis Parcas in bello praesentes hand introductas esse.

94) Cf. Heinr. p. 188. Huius vocabuli notionem non recte intellexe-

igitur numina inter se simillima notione haud crediderim ab uno poeta in pugnae descriptione coniuncta esse. In qua suspicione mirum in modum adiuvamur primum eo, quod hae partes secum ipsae non sunt necessario grammaticae vinculo coniunctae, deinde quod scribendi genere prorsus inter se differunt. Illud luculentissime in Parcarum descriptione conspici iam Hermannus observavit⁹⁵, in qua coniunctionis particula aegre caremus. Ad scribendi et describendi genus quod attinet, Kerum descriptionem videmus in fine maxime ad Homericum genus accedere quod in temporis cursu versatur; initio autem eius cum stridere dentibus dicantur Keres, contra imaginis naturam peccari⁹⁶. Quae cum in Parcarum descriptione paulo accuratius servetur, hanc rursus unusquisque sentiet admodum esse iciunam, impolitam et frustulis undique conquisitis compositam⁹⁷. Ab utraque autem ceterisque omnibus quae in hac descriptione leguntur differt ἄχλνος descriptio eo, quod consulto in eam omnia coniecta leguntur quae taedium lectori et fastidium moveant⁹⁸. Iam cum satis luculenter patere videatur,

runt qui tristitiam esse sibi persuaserunt, Tan. Faber ad Longin. περὶ ψυχῆς IX. 26, Goettingius, Hermannus, Müllerus. Caliginis enim est huius vocabuli notissima apud Homerum significatio, Il. V. 127. XV. 668. XVII. 591. Od. XX. 356.

95) Qui cum nonnisi versus 258—260 ad Parcas pertinere non recte putaret, duplarem hic recensionem agnosceré sibi visus est, quarum altera tantum de Keribus diceretur omissis vs. 258—260, altera nonnisi de Parcis, ubi post versum 248, in cuius fine scribendum esset αἱ δὲ μεταῦτες statim sequerentur vs. 258—260 et tum 264 sq. Prior illa quam ferri non possit unusquisque videt. — Ceterum olim iam virum doctum aliquem totam Parcarum descriptionem postea insertam habuisse testatur Heinrichius p. 184, ipse multas ob causas in ea offendens.

96) Quamobrem caveas ne haec ab artis operibus sumpta esse credas; quamvis teste Pausania (V. 19. 1) in arca Cypseli Ker fuerit repraesentata „δόδοντας ἔχουσα οὐδέν τι ήμερωτέρους θηγούς, ταὶ οἱ καὶ τῶν χειρῶν εἰσὶν ἐπικαμπεῖς οἱ ὄνυχες.“

97) Huc primum traham miras ambages quibus Atropos earum dicitur natu maxima et gravissima esse; ubi ψφήσσων verbum prorsus inauditum, verba ἀλλ' ἄρα ἥ γε similia vs. Il. XIX. 93. Versu deinde 261 verba μάχην δριμεῖαν ἔθεντο sumpta e v. 411; versu 262 nota illa formula δεινὸν δερχόμεναι ad versus spatium extensa; maxime autem ineptus versus 263 propter coniuncta verba ὄνυχας χειράς τε δραστεῖς et propter inauditam vocis λωσαγτο notionem; nisi forte hoc verbum corruptum est.

98) Offenderunt in ea iam veteres, Longin. περὶ ψυχῆς IX. 26.

non esse haec numina omnia ab uno poeta exhibita sed aliam alias in locum substitutam a diversis poetis descriptionem, quaenam fuerit veterima quaerendum videtur. Verum enim vero si ut de hac re certi aliquid assequamur horum omnium cum sequenti laetae urbis imagine coniunctionem consideramus, videmur in novas incurrire difficultates; cum prorsus non coniuncta ea esse nobis appareat. Nam verba δάκρυσι μυδαλέη, quae versus 270 initio leguntur, primum si grammaticam rationem spectamus, cum praecedentibus non cohaerent, deinde si sententiam consideramus eis quae de Achlye dicuntur prorsus inutiliter adduntur; nam quivis sentiet frigide et superflue foedis illis pulveris, sanguinis et cuiusque generis sordium imaginibus postremo etiam lacrimas adici. Vnde si argumentum sumpseris Achlyis imaginem inter numina illa non esse veterimam habendam, videbis electa illa cum ceteris multo etiam minus coniunctionem fieri posse; nam neque de Parcis neque de Keribus dici possunt verba δάκρυσι μυδαλέαι. Ad hanc difficultatem dirimendam mihi ea consideratio plurimum facere videtur, quod Kerum descriptio etiam cum eis quae praecesserint non ita cohaereat ut haec ab uno poeta coniuncta esse dici possint. Nam cum versibus 237—241 de pugna locutus esset poeta, deinde de mulieribus et senibus lamentantibus sex versibus exposuisset, non concinne videtur ad pugnam redire; quod ipsis verbis τοὶ δ' αὐτες μάχην ἔχον vs. 248 senties quam inepte instituatur. Maxime si Kerum descriptionem poeta addere voluit, hoc facere debuit post occisorum commemorationem (241), quemadmodum fieri videmus apud Homerum vs. 534

βάλλον δ' ἀλλήλους χαλκήρεσιν ἐγχείησιν.

ἐν δ' ἔρις, ἐν δὲ κυδοιμὸς δμύλεον, ἐν δ' ὀλοὴ κῆρ etc.

Hisce postremo accedit quod supra iam vidimus mulierum illam descriptionem ab Homero sumptam esse, Kerum non esse. Eo autem convenit nuptiarum imago cum priore illa, quod ipsa ad Homeri exemplum expressa est. Atque de mulieribus quidem aptissime dicuntur quae nuptiarum imaginem praecedunt verba δάκρυσι μυδαλέαι. Ecquis igitur dubitabit duarum urbium descriptionem ab initio his versibus comprehensam fuisse, omissis omnibus quae etiam ab Homero absint,

239 τοὶ μὲν ὑπέρ σφετέρης πόλιος σφετέρων τε τοκήων

λοιγὸν ἀμύνοντες, τοὶ δὲ πραθέειν μεμαῶτες.

πολλοὶ μὲν κέατο, πλέονες δ' ἔτι δῆριν ἔχοντες

μάρναντ· αἱ δὲ γυναικες ἐϋδμήτων ἐπὶ πύργων
χάλκεον δέξν βόσν, κατὰ δὲ ἐδρύπτοντο παρειάς,
270 δάκρυνσι μν δάλεαι. παρὰ δὲ εὐπνηγος πόλις ἀνδρῶν
e. q. s. usque ad v. 280? Nam et versu 244

ζωῆσιν ἵκελαι, ἔργα κλυτὰ Ήφαιστοιο

qui huic describendi generi non convenit, et eis omnibus libenter
caremus, quae de senibus dicuntur v. 245 sq.; primum enim vix
credibile est voluisse poetam ea quae Homerus duobus versibus
comprehendisset tam copiose enarrare, deinde haud apte dicuntur
senes extra portas stare in ipso loco ubi pugnatur⁹⁹. — Haec
autem omnia ab eo superioribus addita sunt habenda qui Kerum
descriptione adsuta obsessae urbis imaginem augeret. Huius autem
mibi non omittenda esse videtur mira quaedam scribendi generis
similitudo cum curruum certaminis (305) imagine; in quarum utra-
que habeamus quae artis naturae obstent (249. 309.) orationem-
que ad narrationem accendentem (255—257, 308—309), denique
similium verborum repetitionem δῆλον ἔχον 251. 306. Has igitur
imagines ab eodem homine confectas et duarum urbium descriptio-
nibus additas esse crediderim; nam curruum certamen, quod cum
ceteris illis certaminibus quae praecedenter ab initio coniunctum
non fuisse apparuit, nihil obstat quominus statim versui 280 ab
aliquo additum cogitemus.

Sed gravissima restat et difficillima quaestio de obsessae ur-
bis imaginis initio. Atque additam quidem eam videmus ei Persei
imaginis parti, quam non esse genuinam supra cognovimus, ita
quidem ut postquam Gorgones Perseum persequentes commemora-
tae sint sic pergatur v. 236

ἐπὶ δὲ δεινοῖσι καρήνοις

Γοργείοις ἐδονεῖτο μέγας φόβος· οἱ δὲ ὑπὲρ αὐτέων
ἀνδρες ἐμαρνάσθην πολεμῆσα τεύχε' ἔχοντες,
τοὺς μὲν ὑπὲρ σφετέρης πόλιος σφετέρων τε τοκήων
λοιχὸν ἀμύνοντες, τοὺς δὲ πραθέειν μεμαῶτες.

Verba enim ἐπὶ δὲ — φόβος ad hanc imaginem, non ad praee-
dentem pertinere mihi Goettlingius rectissime statuisse videtur, quae
si ad priora pertinerent prorsus explicari non possent, cum se-
quentibus autem coniunta facile sic explicantur ut φόβος vocabulo

99) Bonis sane codicibus firmatur lectio a Dindorfio recepta ἔντοσθεν
pro ἔκτοσθεν. Sed omnino non velle poeta videtur conspici etiam ea, quae
intra urbem fiant.

bellum generaliter significetur, similiter ut II. V. 739. ἦν πέρι μὲν πάντῃ φόβος ἐστεφάνωται hoc verbum alio modo explicari nequit. Habet sane etiam hoc aliquid miri, bellum primum hoc incerto vocabulo indicari, deinde luculentius describi. Magis etiam mirum est quod haec pugna tam certo dicitur supra Gorgonum capitibus accidere, de quarum ipsarum loco ubi in scuto cogitandae sint nihil prolatum erat. Supersunt alia in illis versibus quae vix explicari possint, haud minoris illa momenti. Nam quamquam e sequentibus colligatur voluisse poetam Homericas illas urbes imitandas sibi sumere, haud intellegimus cur neque a principio hoc perspicue significetur neque utriusque imaginis initio oppositio clarius indicetur. Cuiusmodi in obsessa quidem urbe tantum abest ut aliquid indicetur ut ne ab initio quidem dicatur omnino, de urbe pugnari, sed duobus demum versibus (237. 238.) praemissis hoc sequatur; alterius autem urbis descriptio cum medio versu incipiat ipsa obstat quominus clara fiat talis oppositio. Postremo vel eius rei causam non intellegimus, cur poeta ordinem quoque Homericum reliquerit, apud quem laeta urbs primum obtinet locum. Quibus omnibus effici videtur in prioribus versibus Homeri imitandi consilium nondum pro certo adfuisse. Huius autem difficultatis certissima explicatio inde mihi petenda esse videtur quod verba illa quibus haec imago incipit imitatione sint expressa versum qui in ipso carmine nostro leguntur 147. 148., quorum cum illis similitudinem brevissime iam Hermannus significavit. Hoc vero plenius et luculentius demonstrare non prius potero quam de tota prima scuti imagine diversisque eius partibus certius iudicare conatus fuerim.

Accedo igitur ad considerandas priores duas scuti imagines draconis (144–160) et serpentum (161–167), de quibus coniuncta debet esse quaestio propterea, quia alteram ad alterius imitationem confectam esse Lehrsii acumine patefactum est. Hoc pluribus indiciis certissime cognoscitur; repetita enim in utraque habemus verba οὐτὶ φατείος (144 = 161), repetitum integrum versum 150 = 163 οὐτινος ἀντιβήην πόλεμον Διός vīi φέροιεν, cui etiam quae praecedunt 149. 162. eandem sententiam prae se ferunt; simillimis porro verbis addita quae de dentibus dicuntur 146 = 164 τοῦ καὶ ὁδόντων μὲν etc., postremo ipsam rem simillimam, quoniam δράκοντες et ὄφεις ab epicis non distinguuntur (II. XII. 302. Theog. 322)¹⁰⁰. Quae imagines cum coniunctae ab

100) Quamobrem mihi lectio δ' ἀδάμαντος pro δὲ δράκοντος, quam

uno poeta exhiberi non potuissent, genuinam esse serpentum imaginem Lehrsius arbitratus est, quia draconis imago praeter imitationem etiam inutiliter aucta esset et obscurata. Verumtamen mihi additamentorum quae in priore imagine leguntur plurimorum ea videtur esse conditio, ut non ab imitatore exornandi causa, sed

ea scholia exhibent quae sub Tzetzae nomine feruntur, consideratione digna non videtur esse. De variis autem lectionibus, quae in his scholiis inveniuntur, paulo certius mihi videtur iudicari posse. Sunt enim in codicibus nostris duo, qui cum inter se fere ubique conspirent a ceteris omnibus diversi sunt, **Parisinus I** (Rankii A, cf. p. 292. 326. Mützell. de em. th. p. 158) et **Venetus I**. Perspicitur hoc communibus utrique corruptelis quae a ceteris omnibus absint, τῶν γ' διτέτο pro τῶν ὅγ' ὀπίτετο v. 21, ὃς καὶ νῦν pro ὃς νῦν v. 99, γάρ τε μέμαρται pro γῆράς τε μέμαρπεν v. 245, ἀοιδὴν πρὸ αὐδῆν v. 278, πέλεν πρὸ ρέεν 314, omissum ὑδωρ 317, omissum αἰψ' 464. Eisdem autem codicibus videmus pluribus locis veram lectionem solis inesse quae in ceteris omnibus sit corrupta. Sic primum vs. 160, ubi antea scribebatur καναχῆστοι τε βεβούθνια, quod ferri nequit, exhibit illi quod prius coniecerat Ruhnkenius, βεβούχνια. Versu deinde 375 pro σποθρώσκουσιν, ἐπ' ἀλλήλαις δὲ πέσωσιν praebeant ἀποθρώσκουσαι ἐπ' ἀλλήλαισι πέσωσιν, quod multo aptius et concinnius est; nam in ἐπ' ἀλλήλαις verbis comparationis vim sitam esse iam Rankius intellexerat. Porro v. 406 praebeant μάχωνται pro μάχεσθον, unde si Hermannum sequaris verum dixeris esse μάχωνται. Certe facile librarius eo poterat adduci ut dualem efficeret, cum praecessisset κλάζοντες. Exhibit porro Περιμησσοῖο pro Τερμησσοῖο Theog. v. 5 (cf. Mützell. p. 33 sq.), γηρύσασθαι pro μυθῆσασθαι (Par. I. in margine) vs. 28, quod facile poterit exquisitus videri (Mützell. p. 374.), ἄπλαστοι pro ἄπλητοι v. 153. (cf. supra adn. 76). Cum his autem ipsis codicibus saepius videmus scholiorum nostrorum auctorem conspirare, sive vera sit lectio aut consideratione digna, ut βεβούχνια sc. v. 160, Περιμησσοῖο Th. 5, γηρύσασθαι 28, περιδείκεται theog. 543 pro ἀριδείκεται, sive aperte corrupta, ut ἔγχεος αἰχμῆ pro ἔγχεος ὁρμῆ scut. 365, σπερχηρῶς pro σπερχρόν 454, γάρ τε μέμαρται v. 245, ubi sane ceterae quoque lectiones ei notae sunt. Apparet igitur ex uno exemplo derivatos esse codices illos Venetum Parisinumque et praeterea eum quo scholiastes usus sit; quod exemplum si nobis superesset, facile omnium scuti et theogoniae codicum optimum iudicaretur. In versu igitur 144 si scholiastes lectionem ὁ μάχωντος in codice suo invenit, puto eam in hoc ipso depravatione ortam esse, quam ab illorum archetypo absuisse codicem Ven. I. et Par. I. in lectione δὲ δράκοντος consensus (quibus accedunt ceteri omnes) docet. Quodsi ea conjecturae docti alicuius grammatici debetur (cuius tamen puto nomen indicasset scholiasta, ut fecit vs. 415. theog. 270), non apte eam exegitatem dicemus causis supra prolatis.

postea ab interpolatoribus adiecta sint habenda. Huc primum ea referenda sunt, quae inde a versu 154, ut plerumque dicitur, de belli numinibus leguntur

ἐν δὲ προίωξις τε παλιώξις τε τέτυκτο,
ἐν δ' ὅμαδός τε φόβος τ' ἀνδροκτασίη τε δεδήει.

quibus adduntur quattuor versus ex Homericā descriptione sublecti (Il. XVIII. 534 — 537). De his quidem cum multi alii tum etiam Lehrsius dubitavit, qui de duobus prioribus incertus haesisse videtur. Quibus tamen ipsis mihi certissime persuasum est non belli numina personarum forma praedita significari sed vere pugnae imaginem, ubi videamus hostes consequentem victorem, altera autem parte (videbimus enim huius imaginis satis magnum ambitum sibi cogitasse poetam) ab hoste rursus oppressum victorem, denique varia proeliorum genera¹⁰¹. Nam priora illa quae v. 154 commemorantur cum nusquam personarum vice fungantur (*παλιώξις* nota ex Iliadis libro XV, ad cuius exemplum satis inepte poeta sibi fixit alterum *προίωξις*), posterioribus notissimum est ab Homero pugnam ubique significari (Il. VII. 237. αὐτὰρ ἐγὼν εὐ οἴδα μάχας τ' ἀνδροκτασίας τε, cf. XXIV. 548), quod nostrum hic significare voluisse e voce δεδήει mihi certissime intellegi videtur, cf. Il. XII. 35. μάχη ἐνοπή τε δεδήει, XIII. 736. πάντη γάρ σε πέρι στέφανος πολέμου δέδηεν. Denique versus 156—159 prorsus hic sensum non haberent nisi pugnae commemoratione praecessisset; quos cur ab alio poeta quam qui 154. 155. scripsiterit profectos esse credamus iustum causam desidero¹⁰². Iam videmus horum versuum a draconis imagine tam diversum esse argumentum, ut haec in una imagine cogitari nequeant; immo novam versu 154 imaginem incipere etiam e verbis ἐν δέ initio positis intellegitur. Haec autem imaginem non ab eo poeta profectam esse qui draconis imaginem composuerit, e repetita Eridis commemoratione (148. 156)

101) Prior erat sententia Schlichtegrollii, Goettingii, Hermanni. Quod in vocibus *προίωξις* et *παλιώξις* fieri non posse Welckerus monuerat, qui hos versus subditios habuit.

102) Postremum tamen horum versum 160 δεινὸν δερχομένη καναχῆστη βεβουχνία suspectum habeo, qui primum in Homericō isto loco haud legitur, praeterea et argumenti ineptiis et scribendi generis molestia a ceteris abhorret. Ipsū adeo versum ab una manū haud esse confectum credidērim, sed verbis δεινὸν δερχομένη nescio unde adscriptis cetera postea addita ut versus efficeretur.

certissime mihi effici videtur; quam etsi priore etiam loco postea insertam esse infra ostensurus sim, hoc tamen ipsum ab eo fieri non potuisse appareat qui Eridem iam commemoratam legeret. Huius autem pugnae descriptionis quaenam fuerit genuina conditio, cum in ea modo versemur, paucis quaerere conabor. Et cum earum quidem imaginum serie quae post Lapitharum pugnam leguntur neque describendi genere neque versuum ambitu convenire eam appetat; ipsis autem his rebus similem esse videmus aprorum leonumque pugnae; nam primum in neutra earum aliquid legitur quod ad artis naturam pertineat; tum vero convenienter orationis quadam inopia, quae in illa ipsis verbis perspiciebatur, hic vero eo quod integri quatuor versus ab Homero sumpti sunt. Utraque porro descriptio, siquidem de versibus 170. 171. recte dubitavimus, sex versibus continetur. Hisce postremo exoptatissimum accedere videntem argumentum, quod ex eodem ut ita dicam fonte fluxerunt imagines illae. Nam in ipsa illa Herculis baltei descriptione Od. XI. 612., unde aprorum pugnam petitam esse supra intelleximus, praeterea repraesentata esse dicuntur

ἴδμηναι τε μάχαι τε φόροι τ' ἀνδροκτάσιαι τε ¹⁰³

Quorum quae sit cum versu 155 similitudo quivis videt. Itaque in his duabus imaginibus habemus unius poetae operam, qui eam Homeri descriptionem, quae una in eius carminibus ad Herculis arma pertineret, imitari voluisse. Horum autem quae fuerit antea coniunctio postea quaeram. — Ad draconis imaginem redeo; cui cetera quoque illa quibus Lehrsius offendit postea ab interpolatoribus inserta esse mihi certissime persuasum est ¹⁰⁴. Gravissimas primum dubitationes praebent versus 146 sq.

τοῦ καὶ ὁδόντων μὲν πλῆτο στόμα λευκὰ θεόντων;

δεινῶν, ἀπλήτων, ἐπὶ δὲ βλοσνροῦ μετώπου

δεινὴ Ἔρις πεπότητο κορύσσονσα κλόνον ἀνδρῶν

in quibus Eridem non personae vicem sustinere, sed horrendam tantum draconis adspectum significare plures arbitrati sunt. Huic vero quae tantum cogitaretur Eridi haud convenientre versus 149. 150 sensit Lehrsius; deinde omnino terror quem draconis facies

103) Animadverterat hoc iam Schlichtegrollius p. 57. adn.

104) De Hermanni sententia quam p. 207 de duabus prioribus imaginibus protulit, hic ne longus sim nihil dicam; qui quod hic gravissimum erat, alteram ad alterius imitationem expressam esse, haud perspectum habuit.

bellantibus moveat non recte discordiae notione exprimitur. Contra mihi ipsa verba κορύσσουσα κλόνον ἀνδρῶν apertissime ostendere videntur poetam de persona Discordiae cogitasse quae pugnam excitaret in ipsa imagine expressam; in qua sententia adiuvamur locis quibusdam Homericis quos respexisse videtur noster, ut II. IV. 439

ῳδοσε δὲ τοὺς μὲν Ἀρης, τοὺς δὲ γλαυκῶπις Ἀθήνη,
δεῖμός τ' ἡδὲ φόβος καὶ Ἔρις ἄμοτον μεμυνῖα
ἔρχομένη καθ' ὅμιλον, ὀφέλλοντα στόνον ἀνδρῶν¹⁰⁵.

De hac autem ipsa discordia quomodo versus 149. 150.

σχέτλιη, ἥ δα νόον τε καὶ ἐκ φρένας εἴλετο φωτῶν,
οἵτινες ἀντιβίην πόλεμον Διὸς νῦν φέροιεν

apte dicantur equidem non video; discordia enim homines ad pugnandum incitantur, non ab eo deterrentur, cf. II. XI. 11.

Ἄχαιοῖσιν δὲ μέγα σθένος ἔμβαλ' ἐκάστῳ
καρδίῃ, ἄλληκτον πολεμῆσιν ἡδὲ μάχεοθαι.

Ipsa autem verba illa in serpentum imagine imitatione repetita leguntur (162. 163.), ubi cum de ipsis serpentibus dicantur, iure suspicamur etiam in priore imagine ea antea de dracone dicta fuisse, cui aptissime convenienter. Accedit quod ea quae de dentibus praedicantur in serpentum imagine post versum illum 163 οἵτινες etc., in draconis autem descriptione ante vs. 150 leguntur. Quibus omnibus mihi effici videtur, haec esse transpositione inscite facta depravata; versus 146 — 148 antea post v. 150 lectos sive auditos esse; draconis autem genuinam descriptionem hanc fuisse

ἐν μέσσῳ δὲ δράκοντος ἐην φόβος οὐτὶ φατειός
145 ἔμπαλιν ὕσσοισιν πυρὶ λαμπομένοισι δεδορκώς,
149 σχέτλιος, ὃς δα νόον τε καὶ ἐκ φρένας εἴλετο φωτῶν,
οἵτινες ἀντιβίην πόλεμον Διὸς νῦν φέροιεν.
τῶν καὶ ὀδόντων μέν etc.

105) Erat haec etiam sententia Schlichtegrollii et Heinrichii; nec non ipsius Quinti Symrnaei, cum in scuti sui descriptione haec verba ita reddebet V. 31.

ἐν δ' Ἔρις οὐλομένη καὶ Ἐρήνης ὀβριμόθυμοι
ἥ μὲν ἐποτῷνονσα ποιὶ κλόνον ἄσχετον ἀνδρας
ἔλθεμεν, αἱ δ' ὀλοοῖο πυρὸς πνεύουσαι ἀυτηγήν.

Haec autem transpositio quam ob causam facta sit, facile intellegitur. Secuntur enim eodem loco tres illi versus

τῶν καὶ ψυχαὶ μὲν χθόνα δίνοντος Ἄιδος εἰσω

ἀντῶν, δοτέα δέ σφι περὶ ὁνοῦ σαπείσης

Σειρίου ἀζαλέοιο κελαινῆ πιθεται αἴγι.

quos certissimis argumentis demonstrari licet ab omnibus quae praecesserint alienos esse. Nam quis non mirabitur quod in imaginis descriptione lector ab eius cogitatione avocetur ad sortem eorum considerandam qui cum Hercule pugnatur sint? Quod ipsum si voluit poeta, dicendum ei erat eos ab Hercule interfectumiri; quod quasi iam protulisset, statim de fatis eorum quae post mortem passuri sint exposuit. Haec deinde scribendi genere molestissimo et insulsissimo, cuiusmodi in tota descriptione nihil praeterea inveniatur praeter ἄχλυος descriptionem, proferuntur; ubi verba χθόνα δίνοντος Ἄιδος εἰσω insolenter coniunguntur, verba Σειρίου ἀζαλέοιο prorsus construi nequeunt. Quibus cum denique accedat similitudo verborum τῶν καὶ ψυχαὶ μὲν eorumque quae de dentibus dicantur τῶν καὶ ὀδόντων μὲν, summo cum iure dicimus versus 151 — 153 eorum loco quae de dentibus dicta essent substituta esse a rhapsodo quodam ineptissimo¹⁰⁶; haec autem postea cum coniungerentur priora illa paucis ante versibus inserta esse, ut utrumque haberet quo pertineret. — Iam multo similiores inter se ab initio fuisse videmus draconis et serpentum imagines; tantum in priore paulo amplius exposita quae de dentibus duobus versibus proferuntur 164. 165. in serpentum imagine. Hinc vero novae oriuntur difficultates; versibus enim illis 146 — 148, siquidem recte eos supra explicavimus, non solum de dentibus draconis exponitur, sed nova ei imago pugnae ab Eride concitatae adicitur; quae tam obscure prioribus additur et tam breviter describitur ut vix credas eum qui draconis imaginem composuerit hoc ita instituisse. Ipsa adeo verba quibus haec adduntur ἐπὶ δὲ βλυσνοῦ μετώπου non

106) Videtur ille nonnullos locos Homericos similis argumenti ante oculos habuisse, cf. Il. I. 3. πολλὰς δ' ἵψθλους ψυχᾶς Ἄιδη προταψεν ἡρώων, αὐτοὺς δὲ ἐλώδια τεῦχε κύνεσσιν οἰωνοῖσι τε πάσιν, Hymn. Ap. 368. ἀλλὰ σέ γ' αὐτοῦ πύσει γαῖα μέλαινα καὶ ἥλεκιων Ὅμερον, Il. XI. 393. Od. I. 161. XII. 45. — Ceterum iam pridem Guietus de his versibus dubitaverat, deinde censor libelli Schlichtegrollianus; quos etiam Lehrsius ineptissimos iudicavit.

apte de dracone dicuntur, cuius frons nunquam ut eius maxime
horrenda pars commemorata est¹⁰⁷. Haec igitur brevis pugnae
imago non e primi poetae consilio videtur draconis imagini addita
esse, sed cum aliis quibusdam verbis antea coniuncta fuisse; de
qua re certius iudicare poterimus, si iam revertimur ad initium
illud ob sessae urbis imaginis, cuius causa ad primam imaginem
considerandam transieramus (p. 41) Luculentius enim consulto fa-
ctae imitationis exemplum vix inveniri poterit quam haec praebent

147 ἐπὶ δὲ βλοσνῷ μετώπου

δεινὴ Ἐοις πεπότητο κορύσσονσα κλονον ἀνδρῶν

236 ἐπὶ δὲ δεινοῖσι καρήνοις

Γοργείοις ἐδονεῖτο μέγας φόβος· οἱ δὲ ὑπὲρ αὐτέων ἄνδρες ἐμαργάσθην πολεμῆσαι τεύχε' ἔχοντες.

Nam in utroque loco videmus horrendi alicuius monstri capituli commemorationi adiungi pugnae descriptionem eisdem verbis eodem versus loco (*ἐπὶ δέ*) ; quod in utraque ita instituitur ut praemittatur numen aliquod bellum generaliter significans (*ἔρις — φόβος*) simili motionis vocabulo adhibito (*πεπότητο — ἐδονεῖτο*), tum vero ipsum bellum sequatur (*χλόνος ἀνδρῶν — ἄνδρες ἐμαρνάσθην*). Quamobrem sicut priora illa non cum draconis imagine coniuncta esse poterant, ita haec posteriora quoque ab initio cum eis non erant coniuncta quae praecedunt ea; his enim id agitur ut Persei imagini arcte adiungantur illa, quae tamen consilio prorsus diverso composita sunt. Quaerendum est igitur de horrenda illa facie quae illis praemissa fuerit; quod quidem mihi et conjectura haud difficile inveniri et ipsis verborum vestigiis indicari videtur. Huiusmodi enim facies vix potest e veterrima mythologia alia cogitari quam Gorgonis; ad quam eo fidentius duci nos patimur, quia totiens antiquissima aetate Gorgonis caput, maxime in scuti imaginibus, ab artificibus repraesentatum esse scimus. Gorgonis autem faciem quam pugnarum imagines circumdarent, Homerus iam clipeis insculptam finxerat, II. V. 739 de Pallade dicens

ἀμφὶ δ' ἄροις ὁμοισιν βάλεται αἰγίδα θυσσανόεσσαν

δεινὴν, ἣν πέρι μὲν πάντη φόβος ἐστεφάνωται

ἐν δ' ἔρις, ἐν δ' ἀλκῇ, ἐν δὲ κρυόεσσα ἰωκῇ,

107) Hoc sensu ducti librarii nonnulli scripserunt προσωπου pro μετώπου (cf. Rank, ad h. l.) quod ipsum draconi non bene convenit.

ἐν δέ τε Γοργείη κεφαλῇ, δεινοῦ πελώρου,
δεινή τε σμερδνή τε, Λιός τέρας αἰγιόχοι
candemque in Agamemnonis clipeo inesse voluerat, XI. 36.

τῇ δ' ἐπὶ μὲν Γοργῷ βλοσυρῶπις ἐστεφάνωτο
δεινὸν δερκομένη, περὶ δὲ δεῖμός τε φόβος τε¹⁰⁸.

quam descriptionem vel imitatum esse nostrum ex argumenti similitudine et convenientibus vocibus βλοσυρῶπις — βλοσυρῶποι μετώπον colligeres. Revera autem Gorgonem hisce de quibus disputamus locis ante pugnam commemoratam fuisse, primum e voce Γοργείου v. 237 perspicitur; nam quemadmodum versus 236. 237. nunc leguntur, mutati sunt sine dubio propter praemissam Gorgonum mentionem, cum ipsi antea sic legerentur

ἐπὶ δὲ βλοσυρῷ μετώπον

Γοργείου ἐδονεῖτο μέγας φόβος·

deinde id ipsum, quod, haec ut Persei imagini adderentur, adhibita est Gorgonum commemoratio, videri potest ad aliquam similitudinem eorum quae hoc loco antea invenirentur institutum esse. Haec sane pro certo restituere quis audeat? adhibitis tamen similibus illis Homeri locis non multum a veritate aberraverimus, si hanc fere fuisse prioris descriptionis genuinam formam coniciamus
ἐν δ' ἦν Γοργείη κεφαλῇ, δεινοῦ πελώρου,
δεινὸν δερκομένη¹⁰⁹. ἐπὶ δὲ βλοσυρῷ μετώπον
δεινὴ Ἔρις πεπότητο κορύσσονσα κλόνον ἀνδρῶν.

quam ad Agamemnonis clipei descriptionis illius (Il. XI, 36) imitationem confectam esse tanquam in oculos incurrit. Quam illud quoque cum Homericis illis descriptionibus commune habere existimo, quod praeter eam nihil in scuto conspici voluerit poeta; ipsa enim non est una imago, sed e duabus composita, quarum prior medium in scuto locum tenet; quamobrem cum nulla alia quae praeterea descripta sit imagine coniuncta potest cogitari. Quippe ambitu quoque et genere descriptionis a ceteris omnibus differt. Haec igitur descriptio si revera ad nostrum Herculis scutum ab initio pertinuit, non potest aliter iudicari nisi eam solam

108) De hisce et similibus nonnullis descriptionibus Homericis non recte iudicasse mihi videtur Müllerus p. 619; nam cur hic ab ipsa vulgari vocabulorum significatione recedatur, equidem iustum causam desidero.

109) Haec verba δεινὸν δερκομένη videri possunt servata esse in versu illo 160 quem supra (adn. 102) spurium iudicavimus.

a poeta prolatam fuisse, imaginem autem praeterea nullam. Qua sententia quod brevissimam ab initio fuisse statuo scuti descriptionem, pluribus argumentis mirifice me adiuvari mihi videor. Nam ut primum de poetica ratione dicam, illud iam Heynius¹¹⁰ olim perspexerat, cum hanc descriptionem cum Homerica Virgilianaque compararet, prorsus deesse in carmine nostro tam copiose describendi clipei idoneam causam. Apud Homerum enim nova perficienda sunt arma eorum loco quae Patrocli morte amissa erant, quamobrem aptissime fieri dices quod splendide describantur; apud Hesiodum autem Hercules, qui iam dudum est armatus, ad Ceycem Trachinis regem profecturus hanc cum Cycno pugnam ex inopinato¹¹¹ suscipit in itinere. Deinde iam antea vidimus Homerum scitissime descriptionem ita instituisse ut narratio non esset intermissa; cum apud Hesiodum prorsus obliviscamur ipsius narrationis in describendo clipeo; id quod in breviore descriptione minus molestum est. Porro si tempus consideramus quo carmen nostrum compositum est, quo scimus Graecorum artem eos iam habuisse progressus ut facile cognoscere posset aliquis quae perfici possent, quae non possent, vix nobis persuademus descriptionem carmini insertam esse artificii quod a nullo homine perfici posset. Postremo ne illud quidem mihi prorsus neglegendum esse videtur, quod in eis vasculorum imaginibus, quibus Herculis et Cycni pugna repraesentatur¹¹², quorum pictores sine dubio carmen Hesiodum cognitum habuerunt, nusquam videmus Herculis scutum insigniter exornatum. — Ad huius igitur imaginis imitationem composita altera his versibus ut puto comprehensa erat

εὐ δ' ἦν Γοργείη κεφαλὴ, δεινοῦ πελώρον,
δεινὸν δερχομένη· ἐπὶ δὲ βλοσνυρῷ μετάπον
Γοργείου ἐδονεῖτο μέγας φόβος· οἱ δ' ὑπὲρ αὐτῆς
ἄνδρες ἐμαργάσθησαν πολεμήσα τεύχε' ἔχοντες

ubi iam remotas accipimus difficultates illas quas supra (p. 41) his versibus eam ob causam inesse cognovimus quod haud perspicue eis introduceretur duarum urbium descriptio. Scilicet diversissimum erat consilium imitandi brevem illam Gorgonis imaginem ab

110) Heyn. ad Virg. Tom. III. p. 715. Cf. Schlichtegroll. p. 133. Ranke p. 336.

111) Cf. vs. 353. Diodor. IV. 37. Apollod. II. 7. 7.

112) Gerhard auserl. Vasenb. tab. 120 sq.

eo, quo duarum urbium descriptio conficeretur; neque crediderim haec unum poetam ita composuisse; sed postquam brevioris illius et prioris descriptionis loco haec altera substituta esset, huic ab alio quodam duarum urbium descriptionem additam esse, qui primum versibus 239. 240. breviter significaret de urbe obsidenda pugnari¹¹³⁾, deinde cetera adnecteret usque ad versum 280, quibus tota scuti descriptio terminaretur. De huius autem descriptionis cum Persei imagine coniunctione videor mihi nonnulla haud inutiliter addere posse. Additam enim eam fuisse primum imaginum illarum seriei quae quattuor versibus comprehensae fuerunt, igitur versui 222, quo genuinam Persei descriptionem terminatam fuisse cognovimus, luculentum mihi vestigium praebere videtur versus ille 223.

πᾶν δὲ μετάφρενον είχε πάρη θειοῦ πελώσου
 quo ipso de Gorgone exponitur hoc sane loco ineptissime, cum Gorgonis caput in pera reconditum sit. Videtur igitur is, qui duas Persei imagines illo versu coniungeret, eo commotus hoc fecisse, quod hoc ipso loco antea Gorgonis commemorationem legisset. Nunc vero cum in alterius Persei descriptionis fine addenda ei videtur Gorgonis et urbium descriptio, eo modo hoc instituit quo nunc legimus, scilicet ut ex ipsa Gorgone, quam post vs. 223 repetere non posset, Gorgones efficeret Perseum persequentes. Ab eodem autem homine urbium descriptionibus additae videntur istae Kerum curruumque certaminis descriptiones, id quod mihi e similibus initiorum formulis, ταὶ δὲ μετ' αὐτόν 229, αἱ δὲ μετ' αὐτούς 248, πὰρ δ' αὐτοῖς 305 colligi videtur. Praeterea omnium postremam Oceanī imaginem (314—317) huc referendam puto. Quam quidem statim intelliges Homero deberi, apud quem in ipsa scuti descriptione XVIII. 607 Oceanus marginem circumdare dicitur,

ἐν δ' ἐπίθει ποταμοῦ μέγαν φόον Θκεανοῦ .

ἄντυγα πὰρ πυμάτην σάκεος πίκα ποιητοῦ.

Quod quamvis intellegereret Lehrsius tamen hanc imaginem inter eas connumeravit quibus genuinam scuti descriptionem suam effici putavit, facile eam in communem usum abisse arbitratus. Velim artis opera aliorumve poetarum descriptiones indicasset quibus hoc efficeretur; apud Homerum certe huius imaginis propria quaedam

113) Versibus ad eorum similitudinem expressis qui II. IX. 529 sq. leguntur

est vis non ad alia cuiusvis generis transferenda¹¹⁴. Videtur autem mihi quaestio de hujus imaginis cum superioribus coniunctione a describendi generis consideratione pendere; quo quidem ab omnibus quae in priore descriptionis parte leguntur maxime distat. Afferuntur enim in ea quibus artis et imaginis cogitatio prorsus relinquatur, ἀεροπιται, μέγαλ' ἡπνον 316; deinde primis verbis ἀμφὶ δὲ pro ἐν δὲ se ab illis diversam praebet¹¹⁵. Iam suspicari posses, in eo exemplari ubi imaginum illa series quattuor versibus comprehensarum scripta fuisset, a posteriore manu hanc esse additam; ipsa enim quattuor versibus constat. Verum sunt tamen, quibus similior esse appareat haec imago; partes illas volo significare quibus duarum urbium descriptionem primo auctam esse volui, Kerum descriptionem et curruum certaminis. Cum his enim Oceani imago primum eo convenit, quod olores canere dicuntur contra imaginis naturam (cf. vs. 249. 309), deinde quod formula quibus olores proferuntur, οἱ δὲ καὶ τὸ αὐτόν, eis simillima est quas in illis habuimus (229. 248. 305). Itaque ab eodem homine et illa et Oceani imaginem profectam puto.

Haec autem omnia quam incommoda cum Persei imagine coniuncta essent, cum nescires quomodo haec omnia supra Gorgonum capita repraesentata cogitarentur, erant quos non fugeret; cuius rei vestigia mihi in eis superesse videntur quae versibus 230—236 de Gorgonibus exponuntur. In quibus plurima sunt quibus offendas illaque omnia ab uno poeta scripta esse neges. Primum sub Gorgonum incessu resonare scutum dicitur; quod contra naturam est et ridiculum. Deinde in zonis habere serpentes dicuntur; quod primum artis monuamentis non convenit, ubi in capitibus quidem, in zonis vero nunquam serpentibus cinctae sunt; deinde non poterat ab eo addi, qui iam a forma Gorgonum ad incessum earum transierat. Quibus cum accedat primum insulsa soni significatio 232 μεγάλω ὁρυμαγδῷ ὄξεα καὶ λιγέως, deinde nimis copiosa neque naturae conveniens draconum descriptio 235. 236., postremo ter

*Κουρῆτες τ' ἐμάχοντο καὶ Λίτωλοὶ μενέχαρμοι
ἀμφὶ πόλιν Καλυδῶνα, καὶ ἀλλήλους ἐνάριζον,
Λίτωλοὶ μὲν ἀμυνόμενοι Καλυδῶνος ἐφανῆσι,*
Κουρῆτες δὲ διαπραθέειν μεματεῖς "Ἄργη".

114) Welcker p. 568.

115) Formulam πλήθει εἰσιώς ab Homero sumere potuit, Il. V. 87.

eodem versus loco repetita verba ἐπὶ δὲ 231. 233. 236., certissime mihi hic cognosci videtur triplex recensio. Atque prima horum forma sine dubio haec fuit

229 ταῖς δὲ μετ' αὐτὸν

Γοργόνες ἀπλητοί τε καὶ οὐ φυτοὶ ἐρρώσοντο
ιέμεναι μαπέειν· ἐπὶ δὲ δεινοῦσι καρήνοις

Γοργείσις ἐδονεῖτο μέγας φόβος· οἱ δ' ὑπὲρ αὐτέων
ἄνδρες ἐμαργάσθην πολεμῆσα τεύχε' ἔχοντες etc.

ubi cum abesse vellet aliquis omnia, quae ad novas imagines pertinerent, ipsaque Persei imagine descriptionem terminare, hoc modo illud efficit

ιέμεναι μαπέειν· ἐπὶ δὲ χλωροῦ ἀδάμαντος
βαινονσέων ἴαχεσκε σάκος μεγάλῳ δρυμαγδῷ.

mirum sane commentum illis addens, quod eo ineptius est, quia non tam solum resonare dicitur (hoc enim responderet eis quae vs. 249. 309 etc. proferuntur) quam ipsius scuti materia. Huic autem simillimum est illud quod huius descriptionis initio vidimus proferri (p. 25), ubi Perseus non dicitur in aëre volitasse, sed ipsum scutum pedibus haud attigisse. Hi igitur loci cum eo inter se convenient quod in eis non simpliciter quod contra naturam sit proferatur, sed, quo magis mira res appareat, ipsius scuti mentio simul iniciatur, videntur ab eodem homine conscripti esse. Ab alio rursus finem descriptioni hunc impositum fuisse puto

ιέμεναι μαπέειν· ἐπὶ δὲ ζώνησι δράκοντε
δοιῷ ἀπηωρεῦντ· ἐπικυρωτώντε κάρηνα.

quae cum sequentibus ab initio coniuncta esse non potuisse ex incommoda verborum κάρηνα et καρήνοις repetitione 234. 236. colligi mihi videtur.

Iam ad primam omnium imaginem redeundum erit. In qua cum viderimus post versum 150 de dentibus expositum fuisse similibus eorum verbis quibus infra vs. 164. 165. (τοῦ καὶ ὁδόντων μὲν —), ubi tamen quae de Eride dicerentur nunc v. 147. 148., postea addita essent habenda; vix aliter statui posse videtur quam hoc etiam loco versus illos 164. antea scriptos fuisse

τοῦ καὶ ὁδόντων μὲν καναχὴ πέλεν, εὖτε μάχοιτο
Ἄμφιτρωνιάδης, τὰ δὲ δαιέτο θαυματὰ ἔργα.

quippe in eis quoque quae praecedunt prorsus eadem verba ab imitatore repetita esse videmus. Sed rursus horum quoque versuum propria quaedam est conditio, quae vetet quominus vere genuinam

huius imaginis nec potius antiquiorem quandam eius formam asseri-
tuti esse nobis videamur. In quibus illud primo obtutu perspic-
itur, inepte eos scriptos esse in imaginis descriptione, cum ad au-
ditum pertineant; quod non recte Lehrsum prae ceteris admir-
abile duxisse iam supra monui; is enim quibus exemplis utitur ut
hoc efficiat, ea nullius sunt momenti, cum non ex imaginum de-
scriptionibus sumpta sint. Goettlingius scholiastam secutus hoc
significari putavit, dentes ita factos cogitari ut moti strepitum
ederent thysanorum instar; qualem strepitum recte monet Fuchs-
ius ¹¹⁶ inter ceteros pugnae clamores haud admodum auditum
esse. Sed quid multa? sumpta enim sunt etiam haec verbotenus
fere ab Homero, qui de Achille dicit II. XIX. 365

τοῦ καὶ ὀδόντων μὲν κανακὴ πέλεν, τῷ δέ οἱ ὄσσε αἰο-
λαιπέσθην ὡς εἴ τε πυρὸς σέλις, ἐν δέ οἱ ἥτορος φύσει
δῦν' ἄχος ἀτλητον· ὁ δ' ἄρα Τρωσὶν μενεαίνων
δύσετο δῶρα θεοῦ, τὰ οἱ Ἡφαιστος κάμε τεύχον ¹¹⁷.

Quae quidem in narratione nihil habent offensionis; in imagine
autem qui posuit eos, is ostendit se imaginis cogitationem haud te-
nere. Hos igitur versus, qui primum a praecedentibus describendi
genere differunt, deinde aliunde sumpta sunt, id quod de prioribus
dicere non possumus, recte suspicamur ei imagini, quae harum an-
tiquior fuerit, postea additos esse.

Iam videmus draconis et serpentum imagines multo sibi in-
vicem ab initio similiores fuisse quam nunc leguntur; obstant so-
lum in draconis imagine versus 145, in serpentum versus 166. 167,
quominus plenam habeamus aequabilitatem. Duo versus quos po-
stremo indicavi

στύγματα δ' ὡς ἐπέφαντο ἵδεν δεινοῖσι δράκοντι
κνάνεοι κατὰ νῶτα, μελάνθησαν δὲ γένεια
mihi et scribendi genere molesti et ipso argumento inepti esse vi-
dentur. Miris ambagibus enim dictum est ἐπέφαντο ἵδεν, στύγματα
verbum veteriori poesi haud usitatum, postremo ipsi versus gram-
matico vinculo haud inter se coniuncti. Ad argumentum quod at-

116) De clipeorum imag. p. 9.

117) Scio hos versus in scholiis ad h. l. Homero abiudicari, sicut in
editionibus nostris uncinis inclusi leguntur. Sed hoc non obstat quominus
eis hominibus notos fuisse eos statuamus qui in carmine nostro operam male
sedulam posuerint.

tinet, videtur poeta aliquid additurus fuisse quod ad imaginis rationem pertineret; ubi recte materiam indicasset, colorem autem non apte significat cum non in pictura describenda versetur. Denique quod in fine demum descriptionis serpentum figura describitur, id quod alibi solet initio fieri, argumentis addendum; nisi forte inde quoque aliquid sumendum esse dixeris, quod in draconis imagine nihil quod eis respondeat inveniatur, cum cetera verbotenus fere inter se convenienter. De versu illo 145.

έμπαλιν ὄσσοιστν πνοὶ λαμπομένοισι δεδορκώς ¹¹⁸
 ut dubitemus cum tam certa argumenta non adsint, satis tamen idonea quibus caveamus ne eius gratia dicamus draconis imaginem posteriorem esse. Nam primum haud commode ea quae de flectendo collo oculisque fulgentibus dicuntur non de ipso dracone, sed de φόβῳ eius praedicantur; deinde ipsa verba Homero deberi manifestissimum est, quae cum II. I. 104. XIII. 474, tum in ipso loco illo unde versus 164. 165. petiti sunt similiter leguntur: τὼ δέ οἱ ὄσσε λαμπέσθην ως εἴ τε πνοὸς σέλας; unde colligere posses, eundem qui duos illos versus hic adscripsisset, hunc quoque versum inseruisse. Duarum igitur imaginum sibi prorsus fere aequalium utra fuerit antiquior, utram imitatione orta, vix pro certo statui potuerit. Sunt vero nonnulla quibus me commoveri fatear ut draconis imaginem antiquiorem habeam; primum quia simplicior est; solent enim imitatores augere et exornare quae imitantur; deinde, si ea comparamus quibus vs. 149 et 162 de terrore adspicientium exponitur, apparet priora illa multo magis esse rei de qua agitur propria et convenientia, quibus draco animum et sensum eximere pugnantibus dicitur; cum de serpentibus paulo incertius dicatur terruisse eas ἐπὶ χθονὶ φῦλαν θρόπων ¹¹⁹. Accedit postremo quod in serpentum imagine causam invenire licet qua eam imitatione confectam esse dicamus. Quae cum coniuncta inveniatur cum duabus istis imaginibus quas ad Homericæ Herculis baltei descriptionis similitudinem scriptas esse supra cognovimus (p. 44), mihi videtur veri-

118) Versum a nonnullis male intellectum recte a Nonno, qui eum imitator Dionys. XXV. 405., sic reddi puto.
 οὐαστεράζων δέμας αἰδον, οὐα τε λοχοῦ
 Μαιάνδρον κέλασοντος ἔλιξ ὁσός, οὐα γείσης
 δοχμώσας ἐπικυνον ὑδωρ σπειρηθόν ὅδειστ.

119) Nota apud veteriores poetas formula, II. XIV. 361. Theog. 556.

esse simillimum ab eodem poeta illam esse confectam eisque additam mediae imaginis loco, quam reliuae duae circumdarent duobus circulis. Conveniunt adeo prima eius verba cum primis aprorum pugnae verbis ita, ut eiusdem poetae manum hic facile agnoscamus,

ἐν δ' ὄφιον κεφαλὴ δειπὼν ἔσαν
ἐν δὲ συῶν ἀγέλαι τριῶντων ἔσαν.

Atque hic quidem etiam de Lapitharum pugnae imagine, quam supra vidimus cum ceterarum nulla commode conciliari posse, paulo certius mihi videor iudicare posse. Scilicet pugnae illa descriptio quam nunc legimus vs. 154 sq. sine dubio antea post aprorum pugnam sequebatur, sicut apud Homerum etiam fieri videmus. Huius igitur incertae pugnae loco ab alio quodam aut recitatore aut librario substituebatur Lapitharum et Centaurorum pugnae certorum artis operum notitia profecta¹²⁰. Et cum posteriores nihil eorum quae unquam ab aliquo in hac descriptione posita fuissent interire debere censerent, breviorem quoque illam pugnae descriptionem servarunt illi, qui totam hanc farraginem coacervarent, et post draconis imaginem loco ineptissimo intruserunt.

Iam de draconis imagine restat ut iudicium feramus, et quae ramus quibuscum ceterarum imaginum ab initio coniuncta fuerit. Est autem quae hic in disceptationem venire possit sola imaginum illa series quae Martis et Minervae imaginibus incipit, quattuor versibus comprehensarum; quibuscum si versum 145 genuinum habemus versuum ambitu conyenire illam patet. Velle etiam ceteris omnibus eodem modo cum illis congrueret; ubi tamen multa sunt quibus offendamus. Primum enim describendi genere ab illis diversa est; nam eorum quae aliquo saltem modo ad imaginis artisque rationem pertineant, hic nihil reperitur; sed breviter tantum descripto dracone ad terrorem transitur quem adspicientibus moturus sit. Hoc vero consilium ipsum mihi cum ceteris illis non bene conciliari posse videtur. Is enim qui imaginem describeret quam consipientes a pugnando deterrerentur hostes voluit certe ut hanc praecipue, immo hanc solam conspicerent illi, haud vero praeterea alias quibus oblectarentur. Postremo si de imaginibus illis in scuto distribuendis quaerimus, videmus draconis imaginem vix bene cum eis coniungi posse. In quibus cum quat-

120) Similiter eam Persei imaginis recensionem, quae artis operibus responderet, posteriorem esse statuimus p. 29.

tuor habeamus imagines paulo maioris ambitus, deorum chorum, portum, Martem in pugnantibus praesentem eodemque modo Miner-
vam; unam deinde quae unius sola figura hominis consisteret, Per-
seum; haec non potest aliter cogitari nisi ut medium inter illas
locum teneat. Draconis autem imago cum ipsa dicatur medium
in scuto locum tenere, apparebat ab illarum serie alienam esse eam.
Iam cum aliud in tota descriptione nihil inveniatur cui illa con-
iuncta cogitari possit, nihil restare videtur nisi ut eam statua-
mus eo consilio conscriptam esse ut praeterea nihil scuto inesse
diceretur; quod quidem duabus rebus mihi haud mediocriter adiu-
vari videtur. Ipsa enim descriptio ita comparata est, ut post eam
statim narratio continuetur; nam verba illa quibus exponitur de
eis qui cum Hercule pugnaturi sint, οἵτινες ἀντιβίην πόλεμον Διὸς
νῦν φέροιεν, tum demum aptissime dici apparet, ubi statim ad
pugnam narrandam pergitur; adest enim hoc ipso tempore qui cum
Hercule pugnaturus sit. Deinde vero inter clipeorum signa fre-
quentissimum fuisse draconem scimus¹²¹, quem tamen ubi hoc
modo repraesentatum videmus, praeter eum nihil aliud in scuto in-
sculptum habemus. Hos autem dracones saepe videmus ita e scuto
lingua porrecta prostantes ut facile intellegamus quod dicantur
terrorem adspicientibus movere.

Haec omnia quae hucusque protuli si recte disputata sunt,
coniunctam accipimus totam hanc scuti Herculis descriptionem ex
integris quinque inter se diversis et a diversis poetis profectis
descriptionibus, quarum singulae rursus diverso modo mutatae et
auctae essent, donec postremo collectis forsitan omnibus undique
exemplaribus in quibus diversi aliquid inveniretur ab uno quodam
consarcinatore extrueretur haec congeries quam nunc legimus; id
quod non multum ante Pindari aetatem factum esse iam supra
monui. Quod negotium positne eidem illi Cercopi Milesio tribui,
qui hac ipsa aetate in ceteris quae Hesiodi nomine ferrentur poemati-
cis colligendis operam posuit¹²², pro certo dici nequit. Illarum
igitur descriptionum duae sunt breviores et praeterea sine dubio
etiam antiquiores, draconis descriptio (144. 145. 149. 150) quam
procul dubio usitata clipeorum imagine commotus poeta scripsit, et
Gorgonis quam pugna circumdaret (147. 148) imago Homeri imita-

121) Fuchs de clip. imag. p. 25. Welcker p. 574. Gerhard auserl.
Vasenb. tab. 118. 208. Trinksch. tab. 2.

122) Cf. Ritschl Alexandr. Bibl. p. 51.

tione orta. Huius vidimus similem imaginem imitatione ab alio quodam confectam esse, cuius vestigia v. 236—238 superessent; ei autem postea duarum urbium descriptionem ab Homero petitam additam esse; quae rursus unam scuti descriptionem efficerent. Accedunt duae paulo copiosiores, altera ad Homeri (*Od. XI. 611*) imitationem expressa, altera quinque illas imagines complectens quatuor quamque versibus descriptas, Martem (191. 192. 195. 196). Minervam (197—200) deorum chorū (201—203 med., 205 med. 206.) portum (207—209. 212.) Perseum (216. 220—222), quas sine dubio ita in scuto distributas esse voluit poeta, ut Perseum in medio positum ceterae circumdarent, in quibus Mars Palladi, portus deorum choro responderet¹²³. Gorgonis autem an draconis descriptio fuerit antiquior, non pro certo dijudicare ausim. Verum hoc paucis demonstrare studebo, quod mihi verborum conjunctionem accuratius intuenti statuendum esse visum sit: eum qui primus hanc *Herculis cum Cycno pugnam narrasset*, omnino scuti descriptionem nullam conscripsisse, sed simpliciter scutum inter cetera arma connumerasse. Totam enim hanc armaturae descriptionem versu 122 incipientem Heinrichius iam et Rankius (p. 346) cognoverunt verbotenus fere cum similibus nonnullis Homericis convenire, ut de consulto facta imitatione dubitari nequeat. Sunt autem quas hic significavi quatuor maxime Homeri descriptiones, duae brevissimae Paridis (*Il. III. 330 sq.*) et Patrocli (*XVI. 130 sq.*) armaturae, paulo brevior Achillis (*XIX. 369 sq.*), postremo distans ab illis et maiore ambitu et singularum quoque rerum diversitate Agamemnonis (*XI. 17 sq.*)¹²⁴. Quarum duas illas priores potissi-

123) In hac postrema descriptione certa etiam indicia inveniuntur eius aetatis, cui haec omnia tribuenda esse vidimus, primum verba δίφρως ἐπεμβεβαώς vs. 195, ubi in veteriore poesi genetivus requiretur, δίφρον ἐπιβασύμενον II. XXIII. 379, οὐδοῦ ἐπεμβεβαώς II. IX. 582. et in ipso carmine nostro v. 334. δίφρον ἐπεμβεβαώς; contra πύργοις ἐπεμβάς Aesch. Sept. 315. Ad eandem vero aetatem correpta vocis χρυσεῖην prima syllaba v. 199. pertinet.

124) Conspiratio et in singulis verbis et in rerum ordine perspicitur. Cf. v. 122. κνημιδας — περὶ κνήμησιν ἔθηκεν verba in omnibus Homericis locis; v. 126. δεύτερον αὖ θώρηκα περὶ στήθεσσιν ἔδυνε = Il. III. 332. XI. 19. XIX. 371.; v. 128 ensis, eodem loco similibusque verbis apud Homerum positus; quibus peractis noster de suo addit pharetram et arcum (129—134), commotus ut puto eo, quod apud Homerum ubi Hercules nominatur, ea est eius propria armatura, Il. V. 395. Od. VIII. 224. XI. 601. Hic

rum respexisse nostrum ex eis verbis quibus galea describitur colligi videtur, v. 136.

κρατὶ δ' ἐπ' ἵφθιμῳ κυνέην εὔτυχιον ἔθηκε,
quae apud Homerum tantum in brevioribus illis descriptionibus leguntur, II. III. 336. XVI. 137. Duabus vero maxime rebus Hesiodia descriptio ab hisce Homericis differt. Primum enim in eis clipeus non describitur, sed breviter tantum commemoratur (III. 335. XVI. 136).

*ἀμφὶ δ' ἄρ' ὕμοισιν βάλετο ἔιφος ἀργυρόηλον
χάλκεον, αὐτὰρ ἔπειτα σάκος μέγα τε στίβαρον τε.*

Deinde trium quae postremo loco nominantur rerum apud Hesiodum habemus mutatum ordinem, cum apud Homerum post ensem primum sequatur clipeus, deinde galea, postremo hasta. Iam dices propterea hunc ordinem immutasse Hesiodum et in fine posuisse clipeum, quod euin copiosius descripturus fuisse; quod ut faceret, Agamemnoneae armaturaे istis similimae exemplo commotum esse, in qua non solum cōpiosiorem haberemus scuti descriptionem, sed ipsam imaginem ei insculptam unde breviorum Hesiодi descriptionum alteram sumptam esse constaret, II. XI. 32.

*ἄν δ' ἔλετ' ἀμφιβρότην πολυδαίδαλον, ἀσπιδα θοῦρων
καλὴν, ἣν πέρι μὲν κύκλοι δέκα χάλκεοι ἡσαν·
ἐν δέ οἱ δυραλοὶ ἡσαν ἐικοσι κασσιτέροιο.
λειχοί, ἐν δὲ μέσοισιν ἔην μέλανος κυάνοιο.
τῇ δ' ἐπὶ μὲν Γοργῷ βλοσυρῶπις ἐστεφάνωτο
δεινὸν δερκουμένη, περὶ δὲ δεῖμός τε φόβος τε.*

Verum tamen hanc quam dixi ordinis commutationem cognosci licet non esse censilio ipsius poetae factam sed a posteriore quadam manu inscite admissam; id quod certissime perspicitur si ea verba accuratius consideramus quibus a descriptione ad narrationem rursus transitur vs. 318 sq.

*Θάῦμα ἴδεν καὶ Ζηνὶ βαρυτήπῳ, οὗ διὰ βονλάς
Ἡφαιστος ποιησε σάκος μέγα τε στίβαρον τε,
ἀρσάμενος παλάμησι· τὸ μὲν Διὸς ἄλκιμος νιὸς
πάλλεν ἐπικρατέως· ἐπὶ δ' ίππείου Θόρε δίφρον etc.*

tamen mihi versus 132—134 videntur subditicū esse, quorum est ineptum et insolitum argumentum. Galeam rursus, ensem et clipeum, quae apud Homerum secuntur, noster etiam similibus verbis (v. 135 = II. III. 336. XI. 41. XVI. 139 etc.), inverso tamen ordine, enumerat.

Postrema enim verba de scuto non recte dicuntur, de quo vibrando nemo unquam dixit. Contra de hasta apte usurparentur, de quo reapse in Homericis illis descriptionibus similiter adhibita legimus, II. XVI. 141.

τὸ μὲν οὐ δύναται ἄλλος Ἀχαιῶν
πάλλειν, ἀλλὰ μην οἶος ἐπίστατο πῆλαι Ἀχιλλεύς.

cf. XIX. 388. Similiter in prioribus versibus offendimus, primum Vulcani commemoratione, quem potius initio descriptionis nominatum esse expectaremus; deinde nimia illa admirationis significatione in descriptione satis brevi; postremo verbis ἀρσάμενος παλάμησι. Quae cum sic ut leguntur de Vulcani artificio dicta sint, videmus tamen eorum similia rursus in Homericis descriptionibus de hasta usurpari, II. III. 338. ἔγχος - δοι παλάμηφιν ἀρήσει, XVI. 139 τά οἱ παλάμηφιν ἀρήσει. Voluit igitur sine dubio verbis ἀρσάμενος παλάμησι eum significari, qui arriperet aliquid ita ut manibus apte convenireti. Quibus omnibus mihi argui videtur, versum illum 135 quo de hasta agitur, ab initio revera in fine armaturae lectum fuisse ante vs. 320 hoc modo

εἴλετο δ' ὅμβριμον ἔγχος ἀκαχμένον αἰθοπι χαλκῷ
ἀρσάμενος παλάμησι, τὸ μὲν Διὸς ἄλκιμος νίος

ubi intellegimus etiam illud quod v. 135 ὅμβριμος scriberet poeta ubi apud Homerum legitur ἄλκιμος III. 338; sequebatur scilicet ἄλκιμος versu 320. Haec pro certo contendere ausim; illud paulo dubitantius addere, ab initio etiam clipeum nominatum fuisse ante galeam, ut Homericus ordo omni ex parte restitutus sit. Hic enim cum a brevioribus illis descriptionibus Homericis non discessisse nostrum viderimus, suspicamur eum in ceteris quoque ad eius exemplum se conformasse; itaque ipsius scuti breviorem tantum commemorationem, haud longiorem descriptionem protulisse. Quod confirmatur eo, quod ipsa verba illa quibus in eis scutum ab Homero nominari vidimus, σάκος μέγα τε στιβαρόν τε, supersunt apud nostrum vs. 319, ubi inutiliter ea proferri concedes post copiosiorem descriptionem praegressam. Ea autem verba cum apud Homerum addita legantur ensis commemorationi, videndum est num in nostra quoque descriptione vestigia inveniantur similem ab initio fuisse coniunctionem. Scilicet ea quae apud nostrum de ense dicuntur v. 128, sequitur pharetræ et arcus commemorationis ab Homero aliena; quam vix mihi persuaserim ab ipso poeta hic esse

insertam; sunt enim haec diversissima inter se armaturae **genera** neque recte uni eidemque homini tribuenda, quae ab Homero **severe** distinguuntur (cf. II. XIII. 712). Horum autem gratia sine **dubio** verba quibus de ense exponitur, cum antea Homero similiora **es-** sent, sic immutata sunt ut ea nunc legimus, (ubi verba ἀρῆς ἀλ-
τῆρα non commode e v. 29 huc translata sunt). **Quamobrem mihi** quidem haec omnia a primo poeta sic exhibita esse videntur

129 ἀμφὶ δ' ἄρ' ὕψοισιν βάλετο ἔρφος ἀργυρόηλον

319 χάλκεον· αὐτὰρ ἐπειτα σάκος μέγα τε στιβαρόν τε.

136 κρατὶ δ' ἐπ' ἵφθιμῳ κυνέην εὔτυκτον ἔθηκε

δαιδαλέην, ἀδάμαντος, ἐπὶ κροτάφοις ἀραιοῖσιν

ἡτ' εἰρυτο κάρη Ήρακλῆος θείοι.

135 εἴλετο δ' ὅμβριμον ἔγχος ἀκαχμένον αἴθοπι χαλκῷ

320 ἀρσάμενος παλάμησι etc.

Supersunt in descriptione nostra tres versus de quibus nihil dūm
dixi, illos significo quibus de totius scuti materia exponitur vs.

141—143

πᾶν μὲν γὰρ κύκλῳ τιτάνῳ λευκῷ τ' ἐλέφαντι

ἡλέκτρῳ δ' ὑπὸ πολαμπεῖς ἔην χρυσῷ τε φαεινῷ

λαμπόμενον· κυανοῦ δὲ διὰ πτύχες ἡλήκαντο.

In quibus miramur praeter cetera de nimia materiarum varietate, quae cum sequentibus descriptionibus non commode conciliari possunt, sive de ipsis figuris eas accipias sive de superficie scuti. Nam quomodo figurae cogitarentur gypso aut elephante factae in clipeo, vix dices; deinde in maiore illa descriptione v. 191 sq. ipsae materiae nominantur, in quibus tamen solum habemus aurum et argentum; cum in brevioribus ipsa brevitas obstet quominus tantam varietatem nobis cogitemus. Ad superficiem si pertinerent, intellegendi essent circuli in quos ea divideretur singulis illis metallis facti; sed v. 143 πτύχες, id est circuli, simpliciter dicuntur κυανῷ factae esse. Voluerunt sane nonnulli πτύχες vocabulo **Ia-**
minas significari quae inter singulos circulos conspicerentur¹²⁵; hac autem notione vocabulum illud nusquam invenitur, quam Homerum voce οἵμοι exprimere Welckerus monuerat. Verba igitur illa cum explicari nequeant, corrupta sunt habenda; cuius rei duo praeterea mihi adesse videntur luculentissima vestigia, primum

125) Lehrsius adeo κυανέας πτύχας dracones illos esse putavit, qui vs. 167. dicerentur κυάνεοι κατὰ νότια.

vocis λαμπόμενον molestissima repetitio cum praecesserit ὑπολαμ-
πές; deinde quod in materiis illis habuimus τίτανον; quod quidem
scholiastae hoc loco dicunt esse gypsum, cum apud alios nihil sig-
nificet nisi calcem (Lucian somn. 6 etc.). Videtur igitur mihi ut di-
cam quod sentiam, in voce τίτανῳ latere κνανῷ, versus autem 143
additius esse, quem olim iam Heynius spurium habuerat,

πᾶν μὲν γὰρ κυκλῷ κνανῷ λευκῷ τ' ἔλέφαντι

ἡλέκτρῳ θ' ὑπολαμπὲς ἔην χρυσῷ τε φαεινῷ.

Quos quidem versus sine dubio de circulis accipiems, eosque cum
singulis illis scuti nostri descriptionibus comparantes ab eo luben-
tissime profectos esse putabimus, qui Gorgonis imaginem descri-
pserit. Scripti enim sunt ad eiusdem illius descriptionis, unde illa
imago sumpta est, imitationem, scuti scilicet Agamemnonis II. XI. 32.

ἢν πέρι μὲν κύκλοι δέκα χάλκεοι ἥσαν.

ἐν δέ οἱ ὄμφαλοὶ ἥσαν ἐείκοσι κασσιτέροιο

λευκοὶ, ἐν δὲ μέσοισιν ἔην μέλανος κνάνοιο.

Eidem autem homini etiam qui praecedunt versus 139 sq. et vs.
318 tribuendi sunt, qui omnino genuinum descriptionis ordinem suo
arbitrio mutaverit.

VITA SCRIPTORIS.

Natus sum Hermannus Deiters Bonnae a. d. V. Kal.
Iul. anni CIOCCCXXXIII patre Petro Francisco, professore in hac universitate publico ordinario, matre Emilia e
gente Bausch. Decimum aetatis annum agens gymnasium, quod in hac urbe Ludovico Schopeno moderante floret, adii, in
quo per octo annos et ipsius Schopeni et aliorum paeceptorum
egregia usus sum disciplina. Auctumno anni CIOCCCL maturi-
tatis testimonio munitus inter huius almae academie Rhenanae
cives receptus sum, ubi cum per aliquod tempus, incertus de eo
studio cui me totum darem, rebus philologicis et historicis operam
dedissem, postremo ad iuris scientiam me conferre constitui. Per
triennium igitur cum virorum clarissimorum, qui in hac universi-
tate illam disciplinam tradunt, scholis interfuissem, aestate anni
CIOCCCLIV dissertatione „de mancipacionis indole et ambitu“ con-
scripta examinibusque superatis summos in utroque iure honore adeptus
sum a viro cl. Bauerbandio tum temporis decano spectatissimo.
Quibus peractis Berolinum me contuli, eis exercitationibus quibus
iuris studiosi formari solent ad iudicandi facultatem sibi acquiren-
dam operam navaturus; quam ob causam iure iurando interposito
in auscultatorum numerum urbis iudicio Berolinensi adscriptorum
receptus sum. Verum tamen cum haud multo tempore praeterlapsi
me ad haec negotia non satis factum esse sentirem, simul autem
miro antiquarum litterarum artiumque studii desiderio afficeret:
viam quam ingressus essem relinquere et ad philologiae studium
reverti consilium cepi. Berolino igitur (ubi praeterea per menses
hibernos anni CIOCCCLIV Tredenburgum audiveram de
psychologia docentem) relicta aestate a. CIOCCCLV Bonnam

reversus et academiae civibus denuo adscriptus a viro cl. Wutzero rectore tum temporis magnifico, per tres annos et dimidium scholis interfui virorum clarissimorum Brandisii Brunnii Cornelii Heimsoethii Iahnii Ritschelii Ritteri Schopeni Vahleni Welckeri. Singulari deinde Ritschelii et Welckeri benivolentia factum est ut in seminarium philologicum reciperer, cuius per annum et dimidium fui sodalis ordinarius. Quibus omnibus viris optime de me meritis gratias ago quam maximas. Cum singulari autem grati animi significatione hoc loco non possum non commemorare insignia Ottonis Iahnii erga me beneficia: cuius adhortatione consilio disciplina dicere vix possum quantopere sim in studiis meis adiutus et confirmatus.

Sententiae controversae.

- 1) *Antiquitatis Graecae Romanaeque studium omnis verae eruditionis fundamentum est.*
- 2) *Homeri Iliadis I. versum 97 sic emendandum esse puto:*
οὐδέ κε ποὺν Δαναοῖσιν ἀεικέα λοιγὸν ἀμύναται.
- 3) *Recte statuitur schola Hesiodia.*
- 4) *Stesichorus ille qui in scuti Herculis arguento Γ' hoc carmen Hesiōdo tribuisse fertur, non est Stesichorus Himerensis lyricus.*
- 5) *Sophoclis Ai. vs. 406 sq. corrupta verba mihi ita emendari posse videntur*
εἰ τά γ' ἐμὰ φθίνει φίλοισι τοῖσδ' ὅμοιν πέλας etc.
- 6) *Aristoph. Acharn. 948 sq. sic emendo*
ἀλλ', ω̄ ξένων βέλτιστε, συν-
θέριζε καὶ πρόβαλλ' ὅποι
βούλει φέρων
ἄπαντα συκοφάντην
eiusdem autem fabulae versus 1140. 1141 in unum contrahendos puto hoc modo
τὴν ἀσπίδ' αἰρον· χειμέρια τὰ πρόγυματα.
- 7) *Aristophanis Lysistrata et Thesmophoriazusae eodem anno actae sunt Ol. 92. 1. Lenaeis altera, altera Dionysiis magnis.*
- 8) *Xenoph. Hellen. I. 4. quae §. 13—17 de Alcibiade dixisse feruntur Athenienses, insiticia sunt.*
- 9) *Cic. de fin. I. §. 70. scribendum „quod et fieri posse intellegimus et saepe evenire videmus,“ eiusdem autem l. III. §. 46 pro „quorum omne bonum convenientia atque opportunitate finitur, nec plura paucioribus nec longinqua brevioribus anteponent“ legendum est „quoniam — finitur. nec plura — anteponentur.“*
- 10) *Tac. Dial. c. 17. i. f. ante verba „ne dividatis saeculum“ intercidisse videtur itaque particula.*
- 11) *Dialogus de oratoribus Tacito immerito abiudicatur.*
- 12) *Musarum cultus origo non est ad fontium nymphas referenda.*
- 13) *Non recte qui de Musarum statuis ad nostram aetatem perlatis disserunt singulis accommodare student nomina illa novem Musarum; neque enim eo consilio ab ipsis artificibus factae sunt.*
- 14) *Archaeologia non est philologia monumentalis.*
- 15) *Philologia et historia non sunt diversae inter se disciplinae.*